


E. xv. e


14634/A/27 Vol. 1

Dupl.

Part of

BORELLUS, P. Historiarum
... medicophysicarum,
centuria IV. 1656.





67. 15. 16

1512

ISAACI CATTIERII

IN CELEBERRIMA

MONSPELIENSIVM,

MEDICORVM VNIVERSITATE

Doctoris, & Medici Regij.

OBSERVATIONES MEDICINALES

PETRO BORELLO, *Medico*

Communicate.

PARISIIS.

M. DC. LVI.

CVM PRIVILEGIO REGIS.

*Sellier
19/11/12*

ISAACI CATTHERII

IN CETERIS

MONSPELLENSIVM

MEDICORVM VNIVERSITATE

DOCTORIS GRADVS

CAUSATIONES MEDICINAE


HABITUS ROBERTO, M.D.



PARTIS

M.D.C.L.V.

IN PHARMACOLOGICIS



CLARISSIMO,
ET DOCTISSIMO
MEDICO
P. BORELLO
MEDICO REGIO.

ISAACVS CATTIERVS, S. P. D.



*ATVM est & indubitatum
artem Medicam ratione & ex-
perientia duci, quæ duo sunt
veluti crura quibus stat firma
tota eius compages, atque stru-
ctura: horum namque alterutrius ope si ca-
reat, vacillat; si vtriusque fulcro destitua-
tur corruit, jacetque penitus iners & inuti-
lis; Et quemadmodum ait Hippocrates lib.
de Fracturis ὅλον τὸ ἄχθος τῷ σώματι οἱ πό-
δες ὀρέουσιν, ita hæc duo sunt veluti columnina,
quibus hæc ars innitur, & stabilitur: siue
duo sunt lumina, quorum alterutrius vsura
orbatus qui amplissimum Medicina stadium
percurrit, in multis salebris hæret, & peri-
culis ineluctabilibus objicitur. Ἀμφιδέξιος
debet esse qui hancce artem exercet, & utro-
que hocce organo veluti bina manu ad agen-
dum expedita instructus, qui ægrotanti ho-*

mini suppetias laturus est. *Artem* primum
experientia fecit, ratio vero deinde perfecit;
nec enim eius theorematum atque dogmata,
nisi ex variis observationibus, & collectio-
nibus fuere constituta; proinde Empiricorum
secta omnium prima extitit, cuius sectatores
Philinum Cœm Hippocratis conciuem, vel
Acronem Agrigentinum Empedoclis disci-
pulum authorem predicant: Empedocles au-
tem sub Artaxerxe an. mundi 4753. & ante
Christum 439. vixit, quo tempore floruit
etiam Hippocrates. Experientia primum dia-
teticam inuenit ut testatur Hippocrates l. de
veteri Medic. cum homines per agritudines
cibos mutantes inuarentur; compertumque
fuiſſet eos quibus ventriculus erat infirmior;
ὅτι δὲ ἰσχυρὸς ὁ ἰνερὸς ἀγρὸς λείδι;
sic & Galenus lib. de subfigur. empirica
scribit. Primis temporibus ut credi par est
noxia pariter & innoxia, similique modo
utilia & inutilia obseruari cœperunt, &
ibidem. cum vnius hominis vita ad omnium
inventionem sufficere nequeat, longi tempo-
ris observationes historia colligit, ut eius
beneficio tanquam ex multis tot saeculorum
hominibus, vnus efficiatur eruditissimus:
dicitur autem experientia cognitio rerum
singularium per vsum reperta, differtque ab
arte quod hac sit rerum vniuersalium; hanc-
que esse causam ait Aristoteles propter quam

exporti id quod intendunt magis consequun-
tur, quam qui rationem sine experientia se-
quuntur, καὶ μάλλον ὅτι τυγχάνοντας ὁρῶντες
ἐμπειροῦς, τῆς αἰεὶ ἐμπειρίας λόγον ἔχον-
των. & paulo infra subdit si quis rationē absq;
experientia teneat, & uniuersale quidem co-
gnoscat, quod autē in eo particulare est igno-
ret, sepe numero à sanatione aberrabit: id .n.
magis sanabile est, quod singulare est. Ex-
perientia, ex Galeno, eorum est quæ sæpius
eodemque modo visa fuerunt observatio &
memoria; addit vero lib. de subfigur. em-
pir. forte præstaret solam ponere memoriam
cum sub illa observatio contineatur; neque
enim memorari possumus ea quæ sæpe eodem
modo perspecta sunt, nisi prius illa observa-
uerimus; nec potest comparari illa cognitio
experimentalis, nisi factis pluribus observa-
tionibus circa singularia, triplicisque instru-
menti beneficio, nim. αὐτοψία seu propria
inspectione, historia seu aliorum relatione,
& transitu ad simile, propterea ait ibidem
Galenus, observatio memoriam, & memoria
experientiam peperit, à qua ars proxime
emanat. Plurimum igitur utilitatis adfe-
runt observationes in arte Medica, nec à
Medico rationali contemnenda veniunt: in
morbis enim quorum causa latens atque ab-
dita est, vel curatio difficilis, fluctuantem
medentis animum erigunt, & à vero cura-

tionis tramite saepe deflectentem dirigunt :
harum auxilio progressus fit ad analogis-
mum , dogmaticorum scilicet Medicorum ,
(qui propterea ἀναλογιστικοὶ dicuntur) ratio-
nem , qua ex re euidenti & sensibus mani-
festa , deducuntur in alterius obscura cogni-
tionem ; dumque morbi causa ignota est , &
remedium non manifestè indicatur , cogun-
tur à similibus ad similia transire : sic hy-
drargyrosis luis venerea extrema anchora ,
ultimumque praesidium , excogitata fuit at-
que inuenta , postquam obseruauissent Medici
hydrargyrum scabiem , ulceraque maligna
saepius sanare , quae cetera remedia non pote-
rant ; cumque similes affectus in lue venerea
saepius contingentes animaduernerent , idem
quoque remedium ad hunc morbum proflig-
andum usurpare postea decreuerunt . Aliter
tamen se gerunt in hoc transitu ad simile dog-
matici , quàm empirici : hi enim credunt
tantum iis , quae vel sensui patent , vel me-
moriae per sensum mandata sunt , atque plu-
rima indeterminate agunt , & plus aequo con-
fidunt historiae : dogmatici vero praeter haec ,
illis quoque quae ex naturali rerum consecutione per rationem acquiri solent , fidem ad-
hibent , ut ait Gal. lib. de subfig. empirica :
utq; in utrisq; ἡ τοῦ ὁμοίως μεταλλάξαι distin-
gueretur , factum est ut empiricorum diceretur
epilogismus , ratio scilicet non recedens

ab his quæ sensibus percipiuntur, & manifesta sunt; dogmaticorum vero analogismus. Quàm diuersa ratione transitu ad simile utantur Empirici, & rationales, præclare docet Galenus lib. de opt. Sect. ad Thrasybulum, aitque Empiricum Symptomatum omnium concursum obseruare, non secernendo utilia ab inutilibus, & variante quocumque modo Symptomatum concursu, curationem quoque mutare: quæ curandi ratio non semper conuenit, quia aliquando mutanda est aliquando non: sic ἐμπεριστατονός & ὁπιοτόνος licet diuersam habeant faciem, & symptomatum cateruam, eandem tamen curandi rationem obtinent: aliquando vero similis est prorsus symptomatum concursus, non tamen eadem competit curatio, veluti in sanguinis reiectione ex ruptione & erosione; proinde rationalis Medicus distinctione utitur, atque ubi symptomatum concursus in aliquo inutili discrepat, curandi rationem non ideo immutat: utilia autem symptomata sunt quæ desumuntur à causis, à locis affectis, & à virtute: ad hæc enim tria respiciens Medicus rationalis, etiam in morbo occulto semper remedium accommodatum virtute analogismi comperiet, auxilij quidem genus à causa, utendi modum à loco, mensuram vero à virtute, ita ut causa eadem existente, loco vero & facultate diuersis idem remedij

genus insinuetur, sed mutetur utendi ratio, & contra: egregie Galenus initio lib. 3. meth. medend. Empiricorum & dogmaticorum discrimen unâ cum experientie & rationis coniugij necessitate his verbis declarat οἱ μὲν οὖν ἐμπειροὶ δι' ἐμπειρίας εὐρίσκουσιν πάντα φασιν. ἡμεῖς δ' ἅ μ' Ἐμπείρια, ἅ δὲ λόγῳ. μήτε γὰρ ἐκείνω ἵκανοὶ εἶναι πάντα, μήτε μόνον εὐρίσκον τὸν λόγον. Id est, Empirici quidem per experientiam inueniri omnia contendunt: nos partim experientia partim ratione: neque enim illa ad inuenienda omnia sufficiens est, ut neque sola ratio. Fallit saepe experientia nisi ratione illustretur & corroboretur, propterea Seneca lib. 6. de beneficiis cap. 18, multos inquit fortuita sanant, nec ideo remedia sunt, & alicui in flumen cecidisse frigore magno causa sanitatis fuit, quomodo quorundam flagellis quartana discussa est. Hæc ob oculos posui (Mⁱ Borelle) ut quæ inter medendum sedulo à te annotata fuere & fideliter conscripta, veluti empirica & rationali Medico indigna non temere damnentur; nec propterea ab inceptis tuis desciscas, quæ tuam industriam diligentiam, indefessumque laborem, addo & πολυματίας singularem produnt, cuius egregia sunt monumenta variae illæ lucubrationes, quarum vel soli indices libro antiquitatum Gallicarum nuper à te in-

lucem edito præfixi, in tui admirationem
nos trahunt; tot enim peragendis nedum
ætas tua; sed nec hominis auum sufficere
posse videtur; ex his tamen quamplurima
ad finem iam feliciter perducta sunt quæ
prope diem publicæ utilitatis ergo in vulgus
emissurus es. Nunc vero prodeunt observa-
tiones tuæ Medica multò auctiores & locu-
pletiores quàm antea, ex quibus salutare
fructus semper colliget, qui has ad legitimos
usus referet, quique eiusmodi casus varios
& experimenta attente leget & ponderabit,
in artis operibus procul dubio enadet exerci-
tatissimus; iter enim ad exercitationem
inducant, inquit Galenus. Cæterum dum ad
hoc scribendi genus animum appulisti quam-
plurimum celeberrimorum virorum vesti-
giis institisti, qui observationes suas & ex-
perimenta posteris benigne communicarunt,
è quorum numero sunt Schenckius, Diome-
des Cornarius, Valleriola, Forestus, Mar-
cellus Donatus, Epiphanius Ferdinandus,
Felix Platerus, Iacobus Oëtheus, Iessenius
à Iessen, Ioan. Rudolphus Camerarius,
Gregorius Horstius, Dominicus Panarolus
Romanus Medicus, Ioan. Vvierus, Ioan.
Vvittichius, Iodocus Lommius, Matthias
Cornax, Petrus Matthæus Rossius, Phi-
lippus Hechsteterus, Vvolfgangus Gabel-
chouerus, Philippus Gruelingius, Ioannes

Henricus Freytagius, Amatus Lusitanus, Rembertus Dodoneus, Antonius Benivennius, Ioan. Chiffletius, Marsilius Cagnatus, Ioan. Langius qui multas observationes epistolis suis inseruit, Henricus ab Heer, Seuerinus Eugalenus, Nicolaus Fontanus, Petrus Lotichius, Ioan. Fabricius Hildanus, Zacutus Lusitanus, Philippus Salmuthus, & alij quī similibus observationibus, tum ad praxim, tum anatomiam pertinentibus, opera sua Medica exornarunt, ut Fallopius, Iulius Caesar Arantius, Bartholom. Cabrolus, Ambros. Pareus, Alexander Benedictus, cuius opera Nancelij manu correctā, in musæo suo libris refertissimè servat vir clarissimus, mihiq̃ue amicissimus Dom. Stamples Serenissimi Aurelianensium Ducis & Regis auunculi Medicus. His adde Sebastianum Meierum qui de observationum utilitate scripsit epistolam, quæ Fabricij Hildani observationum Chirurgicarum centuria secunda, Genevæ in 8. excusa extat. Possent symbolam suam multi conferre, qui ex artis operibus non parvam gloriam adepti sunt; sed vel illud bonum nobis invident, vel ipsis per otium non licet singula quæ quotidie observant litteris exarare & publici iuris facere: pauca quorū nūc recordor tibi expectanti cōmunicare non renuo, plura suppeditaturus si occasio & tempus darentur. Vale.



CALCVLI INNVMERI

inter meiendum excreti.

OBSERVATIO I.

VIR quidam ad Lutetiam litis descendendæ causa profectus in insula Palatij habitans apud D. *Le Cler* pistorem, annos natus circiter 45. renum calculo laborans diris admodum cruciatibus vexabatur per tres aut quatuor dies. Hic post vsum enematum, venæ sectionis, purgationis blandæ, semicupij, & olei amygdalarum dulcium per expressionem absque igne extracti, cum aqua stillatitia parietariæ intus sumpti, tandem excrevit vna hebdomade plusquam centum calculos, cicerum magnitudinem, colorem, & figuram referentes, lateribus quibus scilicet adhererant quodammodo depressos. Cumque ab his tormentis per mensem liberatus esset, in ea denuò incidit, totidemque vnà cum vrina excrevit lapillos: sic autem miseram vitam degens, quia non amplius negotijs poterat esse intentus, de reditu in patriam cogitavit; Sed iter suum peragendo vi morbi coactus est in diuersorio commorari, vbi symptomatum sequitia è viuus discessit.

Quis miseram illam fecunditatem non mirabitur?

SCHOLIUM.

Similem fere legimus historiam apud Felicem Platerum lib. 3. observationum pag. 838. Quam Franciscus Colutius Veliternus transtulit in suum librum de querelis nephriticis : ibi enim refertur Theologum quemdam Milhusanum, calculos bis mille & plures mingendo paucorum annorum spatio reddidisse. Miror sane in hominis renibus talem reperiri lapidicinam, è qua tot lapilli eruuntur ad corporis fabricam euertendam potius quam construendam comparati : Renum amplitudo talis non videtur ut possit numerosam illam calculorum fruticationem suo sinu complecti, quare necesse est ut de nouo illi generentur multi exiguæ magnitudinis, veluti in ouorum productione fit, vnusque post alium continuo succrescat. Hæc renum calamitosa feracitas deplo-
randa est; tantum enim abest ut illa ætatis progressu imminuatur atque euanescat, quin potius augetur viresque acquirit, eundo. *λίθων μὲν ὦν εὐφυνή γινώσκοντες ἀρσενον πρέφαι ἀδυνάστον. ῥητέ-
ον μὲν γὰρ μήτελευ ἀποκονθήμεναι ἢ νεφρὸς
λιθιδντας ἀλίθως* inquit Aretæus l. 2. de curat. diurn. c. 3. Quare autem ætas prouecta sit calculorum renalium feracior, rationem petendam esse existimo, tum ex parte excrementorum quæ hac ætate magis redundant, tum ex caloris innati debilitate, cuius est coquere alimenta, excrementa fecernere & expellere, & omnia naturæ opera, quæ in nobis peraguntur, perficere : Hicque debilitatur tam ab intemperie frigida quam calida

vt in febribus videre est, ita pueris calculus vesicæ familiaris est propter eius partis imbecillitatem; proindeque in vtrisque intemperaturis reperiri potest calculorum concretio, non quod existimemus tantum in corpore dari frigus vt illo concreseat materia calculosa, nec tantum calorem vt illam instar laterum excôquat atque induret, sed quod natius calor partium in quibus calculus generatur ita segnis hebesque reddatur, vt materiam illam excrementitiam digerere, excernere, atque expellere non valeat, sed fiat veluti transcolatio tenuioris partis, crassiori atque terrestriori subsistente veluti sit in lexiuijs; quod autem adeo facile in renibus subsistat, causa est angustia viarum, atque meatuum per quos transit materia illa calculosa, quæ ipsis propte adhaerescit, citòque concrescit, aquosiori parte separata, propter scilicet internum coagulationis principium, quod quidem nil aliud est, vt existimarunt plerique recentiores, quam spiritus quidam salinus, materiam terrestrem & faculentam in tophos calculosque coagulans, qui per nouum materiæ appulsum augentur, & multiplicantur: idque per experimenta chymica comprobant, quibus videre est spiritum vrinæ, aut spiritum salis alijs spiritibus vel oleis affusum, ea in butyri vel vnguenti formam coagulare, quorum exempla legi poterunt apud Matthiam Vntzerum tractatu de nephritide. Huius sententiæ fuit Theophrastus Paracelsus lib. de morb. tartar. quem plures sequuti sunt vt Crollius in præfat. basilic. nec ab ea opinione recedunt Matthiolus præfat. in 5. Dioscorid. Felix Platerus praxeos tom. 2. cap. 12. Anselmus Boëtius lib. 2. de gem-

mis cap. 302. ubi preclare docet quomodo in corpore humano lapides generentur: Sennertus lib. 2. institutionum partic. 2. cap. 9. & practicæ medicinæ lib. 3. pratic. 7. sect. 1. cap. 6. & capite II. libri de consensu & dissensu galenicorum & chymicorum: Beuerouicius eleganti quem de calculo conscripsit libro. cap. 6. & Riuerius praxeos medicæ lib. 14. cap. 1. Hofmannus in institutionibus medicis lib. 3. cap. 123. non multum ab his dissentire videtur, dum serum calculi causam materialem statuit, quatenus ei mixtæ sunt exhalationes plurimæ quibus inest Salsedo; sed humorem quembibet crassum & præsertim pituitosum adiungit; atque inde est ratio cur calculi generentur in omnibus partibus; cum enim serum sit *ὀξυμᾶς καὶ πρῶτον* per omnes decurrit, & potest illi iungi pituita.

*Calculus insignis & inequalis,
pulueris cuiusdam assumpti usu
per Urinam excretus.*

OBSERVATIO II.

DOm. Salé pictor ingeniosus, doloribus nephriticis ijsque acutissimis conflictatus fuit varijs exhibitis & abhibitis remedijs tum generalibus tum particularibus, & præsertim emulsionibus ex quatuor seminibus frigidis maioribus mundatis, & decocto radicis althææ, & taraxaci paratis, non cessauit dolor ipsū misere excrucians;

Semicupij tamen usu remittebatur, sed mox idem recurrebat: tandem morbi crudelitatis & diuturnitatis pertectus, à fœmina quadam accepit pulverem quem ad 3. i. cum vino albo sumpsit, à cuius haustu calculum insignem inæqualem non sine dolore per vrethram excrevit, meliusque inde se habuit. Hunc pulverem quem vidimus & manu tractauimus, ex odore & sapore, è radice enulæ campanæ exsiccata factum fuisse iudicauimus. Ex hac obseruatione colligi potest in nephriticis doloribus corpore conuenienter vacuato, viisque emollientium usu relaxatis, & humorum feruore temperato, interdum locum dari diureticis, vt arenulæ siue calculi ad vesicam detrudantur, modò grandior calculus non coniiciatur, alioquin illum in caput vreteris propellendo grauiores dolores excitarent.

Calculus vesicæ grandior quam ut potuisset agro superstitè extrahi, cum alio minore inter vesicæ membranas delitescente.

OBSERVATIO III.

ANno domini 1647. mense iunio inuisi apud Dom. le Ferreur Pharmacopœum Regium vna cum peritissimo lithotomo dom. Collo, D. Challier dictum vulgò la Sonde Chirurgum in cohorte D. de Verneuil apud Batauos, annos natum circiter quadraginæ, statura mediocri, corpore quodammodo crasso; in quo yriam labo-

riofam & stranguriosam admodum comperi, viresque ex itineris labore fractas; adeo ut post ipsius calculi per catheterem explorationem, ingrauescentibus symptomatibus illas cystotomiæ ferendæ pares non iudicauerim; cui sententiæ comprobandæ non defuit euentus cum enim in dies cruciatus illi ingrauescerent, viresque collaberentur fato tandem functus est. Aperto cadauere renes yrina distenti & turgidi reperti sunt, quibus dissectis copiosa effluxit, vreteres admodum lati, in vesica calculus inuentus est ponderis vnciarum quatuor cum semisse, totam vesicæ capacitatem replentē vnā cum altero exiguo in ipsius vesicæ substantia delitescente, hepar liuidum & corruptum, quemadmodum & pulmones deprehendi, propter materiæ serosæ tam ad partes naturales quam spiritales refluxum.

SCHOLIUM.

Hic lapillus intra duplicem vesicæ membranam latens haud dubiè in maiorem molem excreuisset, si vltius vita istius ægrotantis, prorogari potuisset, atque in hac vesicæ parte veluti saccum quemdam à priori vesicæ cauitate distinctum efformare potuisset. Hoc exemplum (credo,) nobis veluti digito monstrat quomodo in quibusdam calculosis veluti duplex vesica efformetur: suo enim pondere atque mole calculus paulatim crescens distendit & à se inuicem vesicæ membranas seiungit, sibi que amplum parat quo contineatur spatium, sacci cuiusdam in modum à priori vesica dependentis effectum, atque rupta vel exesa interiori eius membrana peruium: atque

Riolanus

Riolanus lib. 2. anthropogr. illud idem obseruat. hominis vesica, inquit, interdum intus saccum siue foueam habet extra capacitatem inferne protuberantem in qua sæpe grandiores lapides nidulantur & latitant, qui immisso cathetere detegi ac deprehendi non possunt. Simile quid in magni Casauboni aperto cadauere inuentum fuisse narratur, in cuius vesicæ cauitate veluti cuniculi exsculpti erant, quorum cauernulæ infinitis rotundis lapillis scatebant, & ad sinistrum latus perforatum erat vesicæ corpus & peruium, rotundo foramine in saccum siue quandam vesicæ "exqu-
on" desinens, eamque crassam atque spissam, eò nimirum propter partis imbecillitatem confluenta sanguine, in cuius vesicæ addititiæ fundo ingens saburra putris & olidi muci seu phlegmatis vitrei residebat; quam quidem vesicæ conformationem ab ipsis naturæ primordiis factam fuisse quidam existimarunt. Ex hac autem obseruatione colligitur insuper nullum locum calculi extractioni relictum esse, vbi grandior factus est, & ad extrema ventum est: temeraria enim est tunc temporis vesicæ sectio, quæ alias multis profuit; cum extrahi non possit calculus, nisi magno vulnere inflicto quo vesicæ corpus integrum disseccatur atque effringitur, viresque dolorum & cruciatuum immanitate exhaustæ sunt.

*Vesica per medium eius corpus vulnerata
quæ perfecte coaluit.*

OBSERVATIO IV.

NOn longè à vico dicto Byssy S. GEORGES sex leucis à Lutetia diffito, vidi Pastorem quemdam grauitè vulneratum : hic cum alio dimicans in terram prona facie ceciderat, huicque humi jacenti aduersarius latum cultrum, quem præmanibus habebat, in perinæum adegerat, ita ut amplo vulnere medium vesicæ corpus dissectum fuerit : effluebat continuò per vulnus vrina, neque eius guttula per vrethram stillabat : cum bono corporis esset habitu commoda victus lege instituta, solo balsami Arcæi in vulnus instillati vsu perfecte curatus fuit. Hunc curauit peritissimus Chirurgus mihiq̃ affinis D. Philippus Godde.

SCHOLIUM.

Solemne illud est Hippocratis aph. 18. sect. 6. cui perfecta fuerit vesica, aut cerebrum, aut cor, aut septum transversum, aut tenue quoddam intestinum, aut ventriculus, aut iecur, lethale est. Et in coacis moriuntur autem maxime ex vulneribus, si cui cerebrum vulneratum fuerit, aut medulla spinalis, aut hepar, aut diaphragma, aut cor, aut vesica, aut aliqua ex iis venis quæ crassiores sunt. Hæ sunt enim partes corporis quarum officio vita carere nequit, proindeq̃ earum vulnera

sunt mortifera quod intelligendum est ὥς ἐπὶ το πολὺ multa siquidem ex insperato contingunt in morbis. Sic Gall. l. 8. de vī. part. sub finem narrat se vidisse incredibile spectaculum in Smyrna vrbe Ionix, percuratum scilicet vulnus in adolescente, quod penetraret ad anteriorem ventriculum cerebri. καὶ ἡμεῖς ποτε τὸ παρόδοξόν ἐκεῖνο δεσάμεθα, τὸ ἐπὶ τῇ ἰωνίᾳ ἐν σμύρῃ γενόμενον ἐθεασάμεθα, τὸ πρῶτόν τε νεανίσκον εἰς τιμὴν ἑτέραν τῷ παθόντι κοιλίαν εἶτα παρὰ γενόμενον ὥς ἐδόκει βυλῆσθαι. Θεὸς, ἀλλ' ὅτι αὐτὸς ὅλῳ ἐξήνευσεν ἀμφοτέρων ὁμοῦ πρῶτους δὲ. Memoratu digna est observatio quæ est 34. quam scripsit Cabrolus de rustico quodam, cui portio cranij vna cum cerebri altera portione abscissa fuerat, quem cum ita sauciatus videret, ipsum soli prognostico reliquit: at alterius rustici ope qui linamenta & linreamina omnia lardo liquato, & multoties abluto infuccata apponebat, præter spem omnium curatus est, quod ipsum docuit de salute cuiuscumq; vulnerati nunquam desperandum esse. Hollerius comm. in aphorism. laudatum, mentionem facit cuiusdam militis suspensi, cuius dissectioni præfuit, in quo vulnus obdutum cicatrice in parte carnosa diaphragmatis deprehensum est. Multæ historiæ pariter fidem faciunt vulnere, tum ventriculi, tum vesicæ curatorum; nec alterutrius partis sauciata facilius est curatio, cum vtraq; sit membranosa; at prioris exemplum habemus in cultriuoro illo prussiano cui facta est sectio ventriculi die 9. Iulij an. 1635. versus sinistram hypochondrij partem ad duos transuersos digitos sub nothis costis, secundum

rectitudinem; eoque successu absoluta est, vt non tantum culter decem transuersos pollices longus exinde extractus, sed & homo ipse sanitati restitutus fuerit. Huius curatio descripta fuit à Daniele Beckero Dantiscano Medicinæ Professore in academia Regiom. Et Dom. Ion. Clau. DE LA COVRVEE, nunc Reginae Poloniæ Medicus historiam conscripsit similem, cuiusdam infantis in vico quatuor leucis à Lutetia diffito habitantis, qui cultrum vna cum craticulæ feramentis vorauit, è cuius dorso cultri lamella extracta fuit, manubrio quod erat eburneum per moram in ventriculo liquato & consumpto, atque intra sex hebdomadas eius curatio absoluta fuit: antequam vero culter educeretur vaginam cultri quam simul vorauerat ano deiecit, & duobus mensibus elapsis aliud ferrum è dextro epigastrio educum fuit, post quinque menses è sinistro epigastrio erupit cochlidium ferreum semipede longius: vulnera autem similiter sanata sunt.

Quæ igitur de vulnere vesicæ curatione referuntur fidem superare non debent; non enim eius substantia est penitus membranosa; constat si quidem duplici membrana propria, quarum externa carnosa est; imo hanc Bartholinus cum Aquapendente musculum esse asserunt totam vesicam circumdantem, vt eius in vrinæ emissionem contractioni inseruiat; proinde illa vulnerata agglutinari & coalescere potest, licet cum aliqua difficultate; nec plane est ἀσμήνιος vt asserit Duræus, com. in coacem prædictam, nisi, ratione tunicæ eius interioris quæ neruea est, & ἀσμήνιος, & ἀσμήνιος existit, ille intelligatur. Suntque plu-

ima eius vulnera inquit Hollerius com. in prædictum aph. quæ non possunt coalescere ; non tamen lethalia existunt : plurima vero fuerunt, quæ ad perfectam sanationem deducta sunt. Quod pluribus tum veterum, tum recentiorum historiis confirmari potest. Galenus initio de locis affectis refert historiam cuiusdam adolescentis Mytylenis, qui circa sedem gladio sauciatus, vulnere satis profundo, tribus primis diebus neque cibum, neque potum, ingessit, quarta vero die, adhibitis prius remediis, cibum sumpsit ac bibit quoque deinde occidente sole iterum adhibita curatione, urinæ circiter quatuor heminas per vulnus excreuit, cum antea ex quo vulneratus erat, nihil urinæ reddidisset. Tum vero ab onere quo circa pubem grauabatur se perfecte liberatum esse dixit. Itaque procul dubio constabat in hoc vesicam fuisse vulneratam ; atque interpositis quibusdam addit Galenus. Percussus ergo valide quidam (scil. hic iuuenis) in ea parte, quæ semen appellatur, Græci perinæon vocant, inflammatione suborta in vulnere, urinam reddere non potuit ; at vesica ipsa utpote plena, manifeste secundum circumscriptionem intenta erat : huic ne irritaretur inflammatio, æneam fistulam adhibere nolimus, sed aqua calida affusa perungere satius putauimus : cumque tribus horis sic eum tractassemus, tensione non parum relaxata ac dolore, ut ipsemet fatebatur, non ita grauius infestante, iussimus ut urinam reddere tentaret : interim cum nos vesicæ tumorem ad inferiores partes impellendo sensim premeremus, iuuenis urinam reddidit. Ex hoc loco colligit Iacotius com. in coac. vulnera vesicæ neque necessario ne-

que semper esse Lethalia. Refert Felix Platerus libro 3. observationum suarum pag. 797. Piscatorem quendam Basiliensem sarcite laborantem in teste dextro, superuexisse lassa à lithotomo, inter sectionem sarcitis vesica: cum enim sarcites in immensam molem excreuisset, illam esse amputandam decretum est, sectioque in inguine facta fuit, quam dum administraret Lithotomus, & separaret illam carnositatem, casu vesicam illico quoque nimia distentione ampliatam vulneravit, atque vrina maximo impetu in altum profiliit, postea teste illius lateris execto, sarcitem successiue mensis fere spacio amputauit, vrina interim continuò, vnà cum frequenti arenularum copia per vulnus emanante, nec per penem nisi guttatim extillante. Tandem vulnere sanato, fistula in inguinis regione remansit, per quam immisso cathetere breui, quem continuo gestabat, vrinam totum biennium incolumis alioquin reddidit, neque per penem amplius eminxit. Postea sensim ampliato foramine ad vrinam dies noctesque retinendam, turunda coniformis ex panno formata intrusa est, quam supra annos viginti, nihilominus obambulans sanus alioquin & fere decrepitis gestabat.

Quia autem in nostra obseruatione, ad illa vulnera agglutinanda balsamum seu linimentum quoddam à Francisco Arcaeo inuentum laudauimus, huius formulam in gratiam studiosorum hic apposuius, qualis extat apud Arcæum lib. 1. de vulneribus capitis, cap. 1. pag. 22. 82. therebinth. clar. & emplastr. de gum. elem. an. vnc. 1. sem. pinguedinis castrati vnc. 11. pinguedin. porcine. antiq. vnc. 1. liquefiant ad ignē & fiat linimentū.

Hoc, quoties vsus erit ad ignem liquefacto gallinaceæ plumæ extremo vulnus leuiter inungitur.

Intestini vulnerati curatio.

OBSERVATIO V.

Non ita pridem iuueni cuidam statuario, quem inuisi, ex saltu in scrotum delapsa sunt intestina, quæ, cum domum deportatus esset & in lectum repositus, Chirurgi dexteritate in ventris capacitatem reducta fuerunt. Postea abscessus factus est paulo supra inguen, quo sponte aperto alui fæces liquidæ excretæ sunt, quibus inspectis non dubitauerunt Chirurgi intestinum fuisse apertum: sed cum solutio illa continui ex intestini erosione à retento pure facta esset, futuram inutilem iudicauerunt; multis diebus elapsis accitus ego, præscripsi potionem ex infuso rhei & catholici cum syrupo rosar. Deinde poriones vulnerarias ex radice symphyti ma. foliis agrimonij, bugulæ veronicæ in hidromelite coctis paratas, & emplastrum vlceri superimponendum quod apud Arantium habetur lib. de tumoribus cap. 42. quod ad intestini ieiuni in vmbilicum prolapsum ibi commendatur cuius hæc est descriptio. *℞.* Aloës, mastiches, thuris, ladani succini, gummi tragacanth. gummi arab. an. 3. ij. bistort. hypocistid. acaciæ, sang. drac. bol. armen. orient. gallar. an. 3. i. sem. cum cera citrina, terebinthina, & pice nauali q. s. fiat ceratum s. a. quod bene adhæreat, puluilloque superposito fascia de-

deligetur. Horum usu vlcus melius se habuit, detergeri visum est, & carne impleri, nec fæces per illud vt antea iam excernuntur: nihilominus tamen adhuc sub iudice lis est. Sic nuper ad me relatum est curatum & perfecte sanatum fuisse iuuenem in carcere detentum, qui in singulari certamine, quod vulgò duellum vocant, vulnus in intestinis acceperat: at infortunatus ille, eò quod spreto Regis decreto prælium iniuerat, laqueo suspensus fuit, & strangulatus.

*De melancholico dictu quædam
stupenda.*

OBSERVATIO VI.

Iuuenis quidam annum agens circiter 25. me conuenit, dixitque se gravissimo vexari incommodo quod dictu horrendum erat, vixque quale esset illud propalare se ausurum asseuerabat. Ipsum vero respiciēs, animaduerti atrocem vultum ὀφθαλμοὺς ἐγκόλλους, totum corporis habitum squallidum & siccum, ipsumque proinde iudicaui melancholicum; cum instarem opus esse si vellet sanari, vt illud declararet Medico, verecundus retulit sibi inuito & reluctanti cum versaretur solus in cubiculo, ab aliqua vi interna diduci & aperiri buccas, linguamque moueri, & ad vocabula plurima proferenda impelli, atque sæpe lingua & labiis immotis vocem in faucibus formare & dearticulati, cuius ministerio quæcumque in vita patrauerat flagitia ipsi exprobrabant.

nur, & ad Deum abnegandum cogebatur & impellebatur his verbis *abnega abnega Deum*. Hic admonitus fuit à Theologis quos consuluit, vt diuino cultui & precib⁹ assidue vacaret; deinde me aggressus est vt corporis sui curam haberem. Ego hæc terriculamenta humoris atrii & melancholici hypochondria obsidentis mentemque percellentis esse *ἐγκορυφαία* existimans, ipsi præscripsi enemata frequentia, venæ sectionem, purgationem ex interuallis repetitam, modò ex infus. fol. orient. epithym. tamarind. cass. crem. tartar. in decoct. capillar. in quo confectio hamech dissoluebatur & syrup. de pomis comp. modò ex ellebori nigri & senn. orient. extracto, è quo pilulæ formabantur: interim semicupium ingressus est per plures dies, hoc temporis spacio serum lactis depuratum in quo summitates fumarizæ macerabantur, ingrediendo balneū, quoridie assumebat. His remediis vsurpatis ad perfectam sanitatē & *εὐθυμίαν* deductus fuit, quique prius erat *ἀπάνθρωπος* factus est *φιλανθρωπος*, cuique *πρὸς ὅσων καὶ τηφές* aderat, factum fuit *ἐρρωμένον*.

SCHOLIUM.

Similes quodammodo historiæ referuntur à Felice Platero lib. 1. obseruat pag. 44. & 45. ibi enim legitur pio alioquin & docto cuidam in iuuenture accidisse, vt aliquando de Deo cogitanti vel precibus intento, impiæ cogitationes in mentem venirent, quas subito ex animo delere non poterat, quin subinde redeuntes ad impia quædam in Deum efferenda eum stimularent, quod illum mirum in modum angebat: hoc etsi cres-

cente ætate rarius illi accideret; tamen ad profectam ætatem usque, hæc tentatio eum comitata est, veluti per accessiones eum inuadens. Sic narrat ibidē mulierē quandam religiosam alioquin, & probam, frequenter eo usq; fuisse tentatam, ut ad Deo maledicendum & blasphemandum tacite sibi visa sit cogi, maxima animi cum anxietate, & perturbatione graui qua angebatur, sæpe conquestam esse, ipsumque ut ei suppetias ferret rogasse: quærenti autem quid illud esset, clam magno cum gemitu multisque cum lachrymis ipsi primo aperuisse continuò sollicitari & impelli se ad maritum noctu dormientem confodiendum adeo vehementer, ut vix sibi temperare posset, licet maritum præ omnibus mortalibus amaret, & pro ipso mori se esse paratam diceret. Hanc consolationem, inquit Platerus, adhibita cura per venæ sectionem, varias & multas euacuationes Deo iuvante in integrum restitui.

Hæc diaboli esse ad malum incitamenta perhibent Theologi, quem morborum causam externam esse aliquando, non inficiantur Medici. Ita Fernelius 2. de abdit rerum caus. cap. 16. scribit. Quidam non ita pridem quum per æstus nocte vehementer sitiret, è somnò surgens, potu non inuento obuium malum forteprehendit, id mandens fauces sibi quasi manu præcludi strangularique sensit, simulque à subeunte Dæmone iam obsessus, visus est in tenebris videre se à prægrandi nigerimoque cane vorari, quæ postea, restitutus integra mente, nobis ordine recensuit; sed præterea humorem melancholicum, qui diaboli balneum vulgò dicitur, causam esse proximam statuunt horum affectuum, qui in imagina-

tionis & ratiocinationis depravatione consistunt: mirum enim dictu est quam varias excitet in corpore humano tragœdias humor hic, dum plus æquo cumulat, vel qualitatem cerebri temperamento, & spiritibus infensam adipiscitur, siue illa sit frigiditas & siccitas, quæ qualitates vitæ insidiantur, & principibus edendis functionibus cerebrum inhabile reddunt, siue sit crassities & color ater quibus spiritus segnes, torpentes, atque caliginosi efficiuntur, qui deinde spectra varia, speciesque terribiles imaginationi repræsentant: siue sit qualitas quædam venenata & deleteria, quæ proprie & necessario nec calida, nec frigida sit; sed potius maligna propter certum putredinis modum huic humori proprium, qui spiritus & cerebri temperaturam naturalem corrumpat; vnde mores agrestes, sylvestres, & ferini acquiruntur, humani vero deperduntur; propterea homo in hunc affectum incidens, qui antea ad societatem natum erat animal, secessus quarit, ἀπανθρωπία & μισανθρωπία veluti belluarum pelles induit, quiq; prius erat εὐφυής & εὐδυνὴς sit δυσένιος siue tandem horum funestorum symptomatum causam dicamus esse spirituum inopiam & paupertatem, qua laborant melancholici, eò quod crassior sanguis, ad spirituum generationem in hac corporis constitutione reperiatur, vnde sæpe animo linquuntur & incidunt in lipothymiam, nec sanguinis vacuationem facile ferunt. Quod quidem vini effectū contrario clarius efficitur; illud enim moderate sumptum, ut pote spiritibus refertissimum, tristitiam discutit, nec melancholicis hac ratione prorsus inutile & infructuosum; atque adeo hic

spirituum defectus forsan causa est (si ita mihi liceat Philosophari) propter quam multis infarctibus & obstructionibus totam aluinæ regionis æconomiam perturbantibus abundant melancholici: mobilitate enim & tenuitate qua spiritus pollent, in meatibus referendis & crassis humoribus attenuandis plurimum possunt si abundant; ideo lieni crassioris humoris receptaculo arteriæ plures datæ existimantur; ideo spiritus ὁ πρῶτος ὀξύμαχα verissime dici possunt, partem enim alimenti natura sua gravis ad partes corporis superiores rapiunt, euehunt, & ad minimas omnes particulas peruadendo & penetrando sanguinem deferunt. In horum locum impuri & flatulenti multi spiritus in melancholicis corporibus suppeditantur, & peruenas arteriasque omnes discurrunt, hinc borborygmi & rugitus in ventre obaudiuntur, palpitationes, vertigines, visaque mendacia ipsis contingunt & obuersantur: hinc etiam alimenti coctio eiusque distributio minus feliciter perficitur, tantum enim est caloris in nobis quantum spiritus, cum huius sit πρῶτον δέχτηλον: hinc plurima succrescunt recrementa, quæ in corpore retenta calorem natuum vel exacuunt, vel infringunt & obruunt. Deficientibus his spiritibus, deficit, quoque menti lumen internum, quo spiritus non carent, & cuius ope recreari & refocillari solebant. Horum denique spirituum paupertas & imminutio breuiorem vitæ terminum præfigit, vt in multis melancholicis videre est; e contra illorum vbertas in sanguineis & temperatis vitam producit & longævam efficiunt.

GASPAR MARCVIVS, cap. 16. quadripartiti

melancholici parte 7. ait sanguinem non colore, non splendore, non lumine, sed caliditate & humiditate quam obtinet, ipsam spiritibus animalibus impertiendo producere lætitiā. Cæterum notat ille cap. 25. eiusdem quadriparti part. 1. dæmonem morbos qui pendent ex materia non aliter inferre quam aliæ causæ procatarctica, putamouendo internas, vt melancholiā morbum, augendo succum melancholicum, & eum qui inerat commouendo, deferendoque in cerebrum, & internorum sensuum sedes, vapores nigros: augere vero posse melancholicum humorem qui naturaliter generatur, detinendo ne expurgetur: nihil autem referre vult Auicenna (quod Medicum spectat) ad morborum curationem, siue dæmon sit qui melancholica inferat accidentia, siue non: ratio est quia dæmon non aliter ea inferre potest, quam per succum melancholicum, quo euacuato humore necesse est tolli morbum.

*Cerebri valida concussio pessima
inferens symptomata.*

OBSERVATIO VII.

Superiori æstate fœminæ cuidam dictæ Dom. Sergeant, annum ætatis agentī circiter trigessimum accidit, vt stans præ foribus Nobilissimī viri Dom. Rosé regula ex testō deciderit in eius verticem, atque ita penitus effracta & in minutas partes redacta fuerit: quo ictu in terram cecidit ἀφωγος sensu & motu ad horam destituta.

Deraſo capite cutis contuſa tantum apparuit, abſque continui ſolutione manifeſta: huic illico detractus fuit ſanguis è brachio, & pars contuſa oleo roſaceo inuncta, vnaque conueniens victus ratio præſcripta eſt. Mox febris vehemens ipſam corripuit, cum vomitu, delirio, & conuulſiuis motibus: his apparentibus ſymptomatibus, latentem cranij fracturam reformidauimus, & iam Chirurgus qui aderat de cutis incifione cogitabat, quam tamen differri volui in diem ſequentem, ad quam confugiendum eſſe dicebam, ſi dicta ſymptomata vel ingraueſcerent, vel etiam permanerent: ſed cum die ſequenti febris remitteret, aliaque ſymptomata miteſcerent, incifionem in aliud tempus diſtuli, exiſtimans eam non eſſe ex uſu, ſi nempe hæc ſymptomata ex cerebri tantum commotione & concuſſione fuiſſent producta: venæ ſectionem interim iterandam eſſe arbitratuſ ſum, qua celebrata, & aluo enematum ope ſollicitata, die tertia ἀνύπετος facta eſt, cæteraque ſymptomata ſedata ſunt, cumque ita per duos dies intermiſerint, è lecto ſurrexit: ſed die quinta eadem reuerſa ſunt, cumque eadem ſecandi, oſque denudandi ſe ſe offerret indicatio, iſdem ſymptomatibus perſeuerantibus, Dom. LE LARGE Chirurgum peritiſſimum in conſilium adhibuimus, qui nobiſcum ſenſit ſectionem eſſe procratiſtinandam; die ſequenti cum minora eſſent ſymptomata ab illa ſuperſedimus: poſt ſeptimum diem eorundem ſymptomatum facta eſt reuerſio, eorundemque ſimiliter vt antea ceſſatio, hæſque recidiuas ex errore ægrotantis profectas conſiciebamus: interea miſſus fuit ſanguis pluries, hocque notatu dignum euenit, vt dum

in latus reclinata effert, per nares & os serofi humoris copiam affatim excreuerit, adeo vt lintea omnia hoc humore essent imbuta; postea in dies melius se habuit, dolore tantum capitis remanente, litus semper fuere adhibiti, emplastrum de betonica parti dolenti admotum fuit, tandem perfecte conualuit absque sectione & cranij apertione.

SCHOLIUM.

Eadem fere eueniunt symptomata in sola commotione & concussione cerebri, atque in vulnere & fissura cranij, nam prolapsus in terram, sensuum interceptio, febris, vomitus biliosus, delirium, & motus conuulsiui vtramque lesionem comitantur. De cranij fractura celebre est illud Hippocratis Aph. 50. Sect. 6. ὁκόσοισιν αὖ ὁ ἐγκέφαλος ἀσχοπῇ, τετέοισιν ἀνάγκη πυρετὸν καὶ χολῆς ἔμετον ἐπιγίνεσθαι, & in coac. οἷσιν ὁ ἐγκέφαλος ὑπερᾶσκεται πυρετός, ὥς ἐπὶ τὸ πολὺ, καὶ χολῆς ἔμετος ἐπιγίνεσθαι, καὶ σποπληξίη σώματος, quæ quidem licet de cerebro vulnerato dicta sint, pertinent etiam ad fractam caluariam. De concussione vero & commotione cerebri non egit Hippocrates libro de vulneribus capitis; sed in coacis prænotionibus talia leguntur ὅσοισιν αὖ ὁ ἐγκέφαλος σφᾶδῇ καὶ πονέσῃ πλῆγῃσιν ἢ ἄλλως πίπτῃσι, ὥσπερ χρῆμα ἀφονοὶ γίνονται καὶ ὅτε ὀρώσιν, ὅτε ἀκέουσι, καὶ τὰ πολλὰ θνήσκουσι. i. e. quibus concussum est cerebrum, doluitque, percussis aut alias lapsis, hi statim obmutescunt, & neque

vident, neque audiunt, & plerumque moriuntur. Similia leguntur lib. i. de morbis initio: καὶ ὁ ἐγκέφαλος σφοδρῶς τε καὶ πονέσει, πληγέντος ἀφρονον παρὰ χροῖμα γενέσθαι αἰάγκη; καὶ μήτε ὀρεῖν, μήτε ἀκθεῖν. & Aphor. 58. Sect. 7. ὁπόσοι δ' αὖ ὁ ἐγκέφαλος σφοδρῶς παρὰ ἑνὸς περὶ φάσιος, αἰάγκη ἀφάνης γενέσθαι παρὰ χροῖμα; Concussionis autem cerebri causa est vel interna, vel externa; interna est humor vel vapor quidam, cuius molestia prorituratur & concutitur cerebrum ut illum excutiat, qualis accidit in sternutatione & epilepsia: externa vero concussionis causa triplex statuitur à Lud. Duretò com. in coac. p. 408. Nempe ictus capitis ex telò graui atque obtuso, vel lapsus ex alto in saxum, vel compressio violenta cerebri ab excidente modiolò imperiti Chirurghi manu admoto, qui circumagendi finem non fecit, dum ad membranam cerebri penetravit.

Sæpius casu ex alto, & allisione capitis ad corpus aliquod durum talis cerebri conquassatio & commotio accidit, tantoque facilius quanto in ipsius ambitu vacuū spacium amplius est, & multo magis in senibus hanc fieri dixit Galen. com. in Aph. 58. Sect. 7. ita perculsi voce, visu, & auditu destituti jacent veluti apoplectici, virtute animali in cerebrum sese colligente, & oriante, vel propter validum dolorem ex toto spiritus in cerebrum reuocante; vel spiritibus propter coarctatos meatus quibus ad sensoria externa deferri solebant, interclusis; vel magna illa agitatione confusis, resolutis, & dissipatis: redeunt vero ad se se dum spiritus se se explicant: interdum tamen percunt

pereunt si quod subsidit cerebrum à concussione non statim resurgat, vel rupta sit aliqua venula intra caluariam, è qua sanguis paulatim effluens corrumpatur, inflammationemque cerebri eiusque membranarum inferat; aliquando nervi alicuius disruptio & distectio, corporis resolutionem & convulsionem inferens contingit: vel febris excitatur accensis spiritibus & humoribus propter vehementem eorum agitationem, & perturbationem, aut propter dolorem & gliscentem putredinem: vertigo & delirium fiunt ob inordinatum spirituum motum, & membranarum inflammationem, unde illud Hippocratis Aph. 14. Sect. 7

ἐπὶ πληγῇ ἐς τὸ κεφάλιν' ἐκπληξίς ἢ
 ὁξυφροσύνη κακὸν. à capitis ictu stupor aut delipientia malum. Convulsio denique patiente nervorum principio accidit: quæ symptomata ut plurimum si primis diebus appareant, minoris sunt periculi quam quæ temporis successu, & post septimum diem, ut sit æstate, vel decimum quartum ut hyeme, contingunt: hæc enim ex corruptione paulatim inducta tunc proficisci solent: sic ex contusione accidit interdum ut in medulla vasculum aliquod aliqua sui parte abruptum sit, ex quo paulatim sanies destillet, quæ subiectas partes corrumpat; propterea dixit Hippocrat. loquens de contusione, affectionem hanc plerumque Medicum latere, ipsumque decipere, cum quæ ipsi prius non erant nota ex superuenientibus postea ipsi fiunt manifesta. Vomitus adest serosi excrementi cum bile permixti, compatiens nimium ventriculo cum cerebri membranis & agitatione, atque calore in parte affecta præter naturam.

ram excitato, liquata & confluente materia et partibus vicinis.

Hic autem notanda sunt quæ Salus Diuesus com. in primum de morbis animaduertit his verbis. Quoniam in ista cerebri concussione dum ad vñum latus colliditur, ab altero latere cerebrum distrahitur, duorum alterum hinc inde sequi necesse est: nam ex hac distractione, vel quædam partes circa cerebrum & ab eo exortæ, aut circa membranas abrumpuntur, vel ipsum cerebrum auelli, aut aliquando eius partem conuelli aut distrahi contingit. In primo casu restituuntur ægròtantes; quoniam non patiente cerebro ipso, spiritus & facultates omnes recuperantur: in secundo autem nequaquam; quoniam patitur cerebrum continui solutionem in propria substantia, illa hinc inde distracta, ex quo spiritus evanescent & extinguuntur; quapropter necessario pereunt: hæc autem cerebri atulio, aut partium ab eo, aut à membranis exorientium distractio potissimum fit in his in quibus plurimum vacui est intra caluam, eam cerebro in totum non implente: talis autem status solet fere in omnibus hominibus esse tempore coitus lunæ, & specialiter omni tempore in senibus quibus cerebrum inarescit.

In vehementi illa cerebri concussione & collisione quam experta fuit prædicta fœmina, oppressa penitus fuisset virtus animalis, nisi alacriter resurgens viresque resumens natura, excussisset & per nares amandauisset ferosi humoris copiam è cerebri substantia ictu & succussione expressam: alioquin hoc feroso recremento per cerebri substantiam eiusque ventriculos regurgitante, alto

Sopore correpta, vel apoplexia extincta penitus fuisset.

Ex hac historia colligere possumus illico non esse aggrediendam cutis incisionem in capitis contusionibus, etiamsi prava symptomata appareant, nisi adsint fracturæ cranij, vel sanguinis sub cranio effusi certissima indicia, & perseuerent symptomata: capitis enim externorum tegumentorum sectionē, ossis subjecti alteratio interdum subsequuta est, quæ tandem mortem intulit: hoc pridem annotauit & conscripsit Franciscus Aræus lib. 1. de recta curandorum vulnorum ratione cap. 1. cuius verba hic apponimus, quoniam hic liber non omnibus sit obuius. Ad vulnera (inquit) quæ ultra pericranium non pertingunt curanda. Chirurghi plerumque indocti accersiri solent, quibus illud inprimis commune omnibus fere est, vt vulnera omnia quæcumque in capite fiunt, magna crucis figura incisa adaperiant, & (vt illorum verbo utar) manifestent, atque cranium detegant: huius erroris causa est commune quoddam apud illos nullo certo auctore præceptum, quo vulnera capitis vniuersa manifestari atque aperiri tradunt, vt in secunda curatione an capitis os fractum incisumve fuerit cognoscatur: ex quo istorum errore multa iis qui sic affecti sunt afferuntur incommoda; inprimis enim curationem tardiorem ac longiorem effici necesse est; namque secundum artem curata octauo vel ad summum decimo die bene haberent, quamuis quantitate magna essent: contra isti vix altero vel tertio interdum mense curant, cuius etiam vitij Galenus Thessalum arguebat 4. method. præterea vulnus ad cranium vsque aperien-

tes ægrotum ipsum in summum vitæ discrimen non raro conjiciunt, quippe non raro exiguan ossis partem aëre frigido tentante corruptam extrahi hoc modo curatis necesse sit, quod quidem os neque corruptum alias neque incisum fuerat, nec raro euenit vt non superficies inodo, sed ipsum os totum secundum crassitudinem corruptatur. Idem comprobatur lib. 2. pag. 174. Ioannis Gometij de Columbibus Cazallensis exemplo, cui vulnus in dextra capitis parte nullam rupturæ significationem exhibens in crucem tribus digitis quadratam, dilatatum fuit; ex quo euenit vt non modo detecta cranij pars, sed multo etiam maior vndique portio corrupta fuerit. Quod etiam ex observatione sequenti innotescere poterit.

*Ex capitis carne temere à Chirurgo secta,
ossisque abscedentis portiuncula vi
auulsa, membranarum cerebri altera-
tio, in eiusque substantia abscessus, &
tandem mors.*

OBSERVATIO VIII.

FOEMINA cuiusdam caput grauiter contusum fuit delabente aëre quo officina claudebatur, à Chirurgo quodam diuisa fuit cutis & caro ad os vsque, & pericranium abrasum vna cum ossis substantia aliqua: vulnus diu apertum relictum est, nec vlla ossis fracti indicia aderant,

eumque os tandem abscederet, portio quædam ossis quæ separabatur, vñ quadam ablata fuit à Chirurgo, moxque sanguis ex osse refudans visus est: postea febris acuta cuius antea expers erat ipsam corripuit, tandemque interiit. Post mortem aperto capite inuentus fuit abscessus in cerebri substantia, & membranæ ipsum inuoluentes liuidæ.

*Ex contusione in musculo temporali gravissima Symptomata, incisione simplici
& exigua sedata.*

OBSERVATIO IX.

FOEmina iuuenis dicta Dom. BADOIS caput inclinans ex improviso in mensæ angulum impexit, & contusionem in musculo temporali experta est, absque vulnere, quo ictu concidit in terram voce sensuque omni destituta: his superuenit febris acuta, delirium, motus convulsivi brachiorum & tiliarum, quibus ad tertium & quartum diem perseverantibus etiamsi pluries detractus fuisset sanguis. In consilium vocatus fuit Dom. LE LARGE, peritissimus Chirurgus, qui sensit nobiscum hæc symptomata ex musculi temporalis contusione, eiusque fibrarum dilaceratione & pericranij hunc musculum inuoluentis compressione esse orta. Incerti tamen eramus an fractura ossis subesset: quare incisio secundum fibrarum ductum parua facta est, & paulo post febris cæteraque symptomata sedata sunt, exu-

dante scilicet sanie acri quæ partem sensu exquisitissimo præditam vellicabat & stimulabat.

Hepar materia quadam indurata in pluribus locis refertum, & pancreas insolita atque stupendæ magnitudinis, ex quo renis è suo loco naturali dimotio facta est.

OBSERVATIO X.

Vir nobilissim⁹ D. DE LOSIERES dolore hypochondrij dextri per plures annos cõflictatus fuit, cum ventriculi & diaphragmatis compressione: initio cum degeret in agro Pictaviensi hic dolor pro colico huic regioni vernaculo à Medicis iudicatus fuit. Ex remediis quæ tunc ipsi præscripta fuere parum utilitatis & solatij percepit. Postquam vero Lutetiam se se contulerit, celebriores vrbs Medicos aduocavit, quorum iudicio abscessus in hepate genitus dicebatur, variaque ipsi absque ullo agrotantis emolumento exhibita sunt remedia, ego sub finem morbi & vitæ vocatus inveni ipsum dyspnœa graui laborantem, & dolore huiusce lateris & abdominis ita vexatum & compressum, vt neque in dorsum, nec in latus recumbere posset, sed cogeretur sedere in lecto, & præ doloris grauitate & vehementia ipse disrumpi sibi videbatur, tandem his atrocibus doloribus confectus extremum obiit diem. Aperto cadauere hepar magnum multis abscessibus refertum in,

uentum est, & materia quadam indurata, vitel-
losque ouorum colore referente repletum, pan-
creas erat admodum ingens. Ren erat luxatus, &
è suo loco dimotus, propellente scilicet paulatim
ipsum deorsum pancreate.

*Ex lochiis non rite fluentibus phthisis, &
pulmanum corruptela.*

OBSERVATIO XI.

Nobilissima & generosissima fœmina Dom.
DE LA GROSSETIERE, à partu non fluenti-
bus vt antea solebant lochiis, nec rerum non na-
turalium vsu legitimo adhibito, incidit in tussim
molestam quæ sensim in dies cum pectoris dolore
& grauitate exacerbata est, febrisque per inter-
ualla vehemens ipsam inuadebat: ipsi aliquoties
detractus fuit sanguis & purgatio instituta, sed
cum ab vrbe remota esset, non potuit Medicorum
consilio commodè frui. In peius sensim cum rue-
rent omnia, vt saluti suæ prospiceret Lutetiam
se contulit; sed morbus adeo inualescebat vt iam
tussim molestam & fere continuam febris hec-
tica & macies corporis comitaretur. Multis præsi-
diis reuellentibus, diuertentibus, euacuantibus,
refrigerantibus, bechicis & analepticis pugna-
tum fuit aduersus morbum, quibus tamen expu-
gnari minimè potuit, atque inter tot ærumnas
& difficultates decem mensium spacio vitam agē-
te tandem interiit. Aperto cadauere pulmones
toti purulenti inuenti sunt, adeo vt ne minima

quidem eorum particula scalpello diuideretur, quin ex eorum substantia foraminulenta efflueret puris fœtidi insignis copia; in his iuxta claviculas deprehensus fuit saccus pure refertus, exesa pulmonum substantia productus. Ad costas utrimque adhærescebant pulmones. Hepar amplum erat, æqualiter utriusque hypochondrij cavitatem replens, subalbido colore præditum, renes quoad situm sibi inuicem ex æquo respondebant. Nec dexter sinistro depressior erat.

SCHOLIUM.

PArtes spiritales ex vitio partium genitalium labem contrahere non mirum est; ambæ enim sæpius coafficiuntur, & inter utrasque magnus consensus & communio intercedit. per venas communes, & præsertim per venæ epigastricæ cum mammaria concursus. Illud obseruauit Hippocr. lib. 2. epid. Sect. 1. his verbis *Ἰπποκράτης οἱ πύθοι, ἀρροισχναίνονται, ὅδ' ἐν γὰρ ἐναντίον, ὅδ' ἐν ἑκείνῃ χρόνιαι, ὅτι ὄρχος οἰδήσοντας πάνονται. ὄρχος οἰδήσας ἀπὸ βηχέων ὑπόμνημα κοινῶνς γιγνέων, μάλ' ὅν, γονῆς, φωνῆς. i. e. abortientium mammae graciles fiunt, neque enim hic contrarietas est, neque tussis diuturnæ, quoniam ubi testis intumuit cessant, & ex tussi testis intumescens nos admonet communionis pectorum, mammarum, genituræ & vocis: ubi Fæsius dubitat an hic γονή pro vtero sumi possit, quemadmodum Hipp. lib. *περὶ ἀφ' ἧς γυναιὲς τὰ γυναικὰ μὲν* vocat, & Pollux *τῶν**

μήτραν γυναικὸς ab Hipp. vocari scribit. Sic enim ille lib. 2. cap. 4. Sect. 46. Ἰπποκράτης ὃ ὁ δὲ λέγει μόνον ἀλλὰ καὶ γυναικὶ τὴν μήτραν καλεῖ, ὅτι ἡ τὸ, τε ἔμβρυον ζυγίσταται, καὶ τρέφεται, καὶ τὸ ἐμμεινὸν αἷμα ζυγαδροίκεται. Ita Vallesius com. in locum Hippocrat. prædictum, geniturae & vocis nominibus instrumenta genitalia quæ sunt uterus, testes, & genitale membrum; & vocalia, quæ sunt larynx, nervi recurrentes, thorax, & omnia respirationis instrumenta intelligi scribit. Quot autem & quanta incommoda inferant purgamenta puerperia cum ante diem sistuntur, quamvis dies aliquot prorupta fuerint liberally, notissimum est: nam cum sint hæc reliquæ menstruorum per graviditatem circa locos muliebres stabulantium graviditatis tempore, facta caloris natiui à concepto fœtu amplificatione hæ incorruptæ servabantur; sed postea huius beneficio destitutæ veluti emortuæ relinquuntur, atque ubi suppressæ sunt, & cursum ad superiores partes insectunt, inflammationes, dyspnoeam, & corruptelam harum partium inducunt, ut ex Pureto discere possumus, com. in illam coacram

Faciei & reliqui corporis gracilitas & extenuatio, in habitiolem constitutionem mutata.

OBSERVATIO XII.

Nobilis fœmina macilenta & gracilis vfa est ad ἐνέχλια καὶ εὐχροια comparandam iusculis & hordeatis. His parum proficientibus, alterius nobilissimæ fœminæ suasionem & exemplo, quotidie mane panem aqua communi intinctum & madefactum comedit, cuius beneficio faciem habitiolem, & totum corporis habitum laudabiliorem obtinuit. At quomodo panis aqua maceratus ἐσθλα πύλαν induxerit non video; nisi dicamus vim refrigerandi quæ aquæ inest, in pane servari diutiusque remanere in ventriculo, qui cum natura calidior esset, una cum cæteris visceribus nutritiis, alimentum minime idoneum corpori suppeditabat: aqua vero simplex & aliæ potiones refrigerantes promptius è ventriculo effluunt & elabuntur, nec nutriunt; aqua enim non nutrit: pani vero aqua ita macerato vtrique virtus inest & refrigerandi & nutriendi: adde quod per macerationem istam panis fermenti qualitatem deponit, quæ cum sit quodammodo acris, habitum corporis extenuat, nec nutritioni ita apta est: vulgatum enim est apud Medicos nos nutrirī dulcibus.

*De crassiori corporis habitu extenuando.*OBSERVATIO XIII. *P. 14. Bar.*

Multi quibus crassior est corporis habitus, & pinguior aqualiculus, eius extenuationem summopere exoptant, ut deambulationibus, & variis corporis motibus & inflexionibus, liberius & absque molestia vacare possint: in hunc finem remedia quibus voti participes fiant quotidie à Medicis expetunt; sed ex iis pauca tuta & certa esse existimo: tenuis enim diæta sæpe parum proficit; imo plurima multis intulit damna: humores enim exacuit & inflammat, febremque sæpius excitat. A quibusdam vsus aceti commendatur; sed ventriculum & intestina lædere potest, cum sit membranosis omnibus partibus insensum; eo tamen feliciter vsus est ad corporis sui extenuationem & imminutionem, Chiapinius Vitellius Cetonæ Marchio, generalis castrorum præfectus in Hispaniarum Regis exercitū belgico ut videre est apud Stradam decad. 1. lib. 8. de bello Belgico. Mirum fuit, inquit hominem obesitate prætūmidum ea valuisse non modo vi mentis, sed etiam corporis expedite se se inflectentis agilitate: ut in præliis ad ducis prudentiam, non magnopere in illo desiderares bellatoris dexteritatem. Quod enim sub mediam ferme ætatem crescente adeo mole, fascia è collo demissa sustinendus venter esset immodice projectus, videret tardiores quoti die reddi se ad belli munia, homo ad militiam

cuncta referens, vino sua sponte sibi interdicto, acetum exinde bibere ad vitæ usque finem perseveravit, effecitque ut detumefcente abdomine, defluenteque ventris pelle, qua ipse se thoracis instar inuolvebat; octoginta septem librarum decreuisse pondo compertus sit. Noui ego hominem qui ex obeso & crassissimo gracilior euasit, detracta scilicet panis portione quem quotidie copiosum comedeat: Huic in panis locum maior carnis quantitas ad esum exhibita est. Multa sunt equidem quæ corpus non modo extenuant sed etiam conficiunt ut exercitia immodica, curæ graues, vigiliæ, susceptæ lites, à quibus abstinere satius est.

Manus cum parte brachij putrefacta & corrupta, naturæ virtute à sanis partibus separata, & sponte decidua.

OBSE RVATIO XIV.

FRATRIA Dom. LE SOVBS Doctoris Medici scholæ Parisiensis, monialis degens in cœnobio virginum vici prope Lutetiam sitæ dicti MALNOÛE, manus digitorum acerrimo dolore correpta fuit absque rubore & tumore. Accitus fuit cum dom. LE SOVBS, D. ANTONIVS BERTRAND Chirurgus peritissimus in via saniacobeæ habitans, qui manum indolentem & frigidissimam deprehendit, animaduertit insuper in vola manus veluti ecchymosum quandam, quam acicula pun-

xit ut & totam manum & brachium, in quibus nullus erat doloris sensus nisi circa cubiti flexuram: partem caloris natiui extinctione laborantem scarificationibus profundis incidendam, lotionibus ex spiritu vini, & aqua phagedenica perfundendam, cataplasma ex farina hordei & vino superponendū arbitrari sunt; quibus peractis existimantes illam breui morituram, discesserunt. Multis diebus elapsis inuitatus rursus Dom. BERTRAND ad illam ægotantem inuisendam, illucque profectus, manum vidit à brachio separatam, quæ sponte corrupta iam deciderat, musculorum carne ossa cubiti & radij denudata, sphacelo & nigredine infecta. Agebatur tunc de partis emortuæ & corruptæ amputatione; sed nolebat ferre ægotans ad viuum resectionem: itaque sectio in parte emortua infra cubiti flexuram facta est ossaque nonnisi post annum abscedere & exfoliari visa sunt, ægotante tamen præter spem superstitite.

Dolor capitis acutissimus ex materia quadam lapidea crassæ meningi adnata, & spiculis suis tenuem membranam cerebri perfodiente.

OBSERVATIO XV.

Nobilissima fœmina D. Suzanna TALON, filia nobilissimi & clarissimi viri D. TALON Regi à secretioribus cōsiliis, vxor illustrissimi D. Ludo-

uici PHELIPPEAUX Dom. de PONTCHARTRAIN, in suprema computorum regionum curia præsidis, dolore capitis acutissimo diu conflictata fuit, eoque pungente admodum instar acuum vel telorum parti infixorum, interdum vehementius, interdum minus ipsam diuexante; doloris vehementia pressa eiulabat, & ambabus manibus caput prehendebat, ad quem dolorem sedandum multoties detractus fuit sanguis à Medicis Parisiensibus; parti dolenti, cui instar verrucæ cuiusdam callus inerat; admotum fuit pyroticum, & ad cranij perforationem deueniendum esse instabat Dom. PIMPRENELLE, Chirurgus Parisiensis celeberrimus cui tamen non fuit ὁ μὲν ἴψος Dom. Antonius BERTRAND Chirurgus Parisiensis supra memoratus, ægrotantis ordinarius. Hæc deinde in hydropem incidit, tandemque interiit. Aperto post mortem cranio inuenit dictus Dom. BERTRAND sub crassa meninge iuxta canalem anteriorem seu torcular vtrunque, induratum quandam materiam & lapideam, instar rupis cuiusdam inæqualem & asperam, aculeis multis, & velut cati vnguibus, conchylis, variisque figuris distinctam & variegatam, ipsique crassæ meningi firmiter adhærescentem, inter cuius inæqualitates venulæ ferebantur ad ligularum ferramentorum magnitudinem accedentes, quæ hanc materiam rigabant, supra tenuem meningem humor quidam mucosus repertus est. Magnam huius crassæ meningis portionem, cui dicta rupes adhæret, adhuc seruat præfatus Chirurgus Dom. BERTRAND, cuius figuram hic exhibuimus.


FIGVRA MATERIAE LAPIDEAE

Crassæ meningi adnatæ
in muliere.

Pag. 46.
observat.
Catherij



- I. Crassæ meningis pars juxta canalem anteriorem.
2. Materia lapidea inæqualis et aspera ipsi crassæ meningi adhærescens.



*Perinæi, ani, scroti, testiculi tunica-
rum, hypogastrij serpens putredo,
& gangrena cohibita.*

OBSERVATIO XVI.

D Oliuarius de VARENNES, Bibliopola Parisiensis eruditus, conquerebatur hyeme nouissima de frigore totius corporis, & præsertim ventris inferioris, atque insuper de scabie. Hic forte inter comedendum deglutiuit officulum è crure pulli, quod hærens ano, digitis extraxit: dolor antea parti inerat, putabatque esse hæmorrhoides, deinde totum scrotum valde intumuit doluitque. Primùm acciti fuere Dom. STAMPLI Medicus clarissimus, & D. REGNIER Chirurgus regius qui me in consilium adhibuerunt vna cum Dom. SOSIAS Chirurgo Parisiensi peritissimo; vbi illum inspeximus, gangrænam in perinæo deprehendimus; vlcus erat cum eschara veluti ab vltione, sinuosum in margines ani peruium quod intacta vesica sectione fuit diductum, è quo pus fætidum prodiit: perfusio facta fuit ex aqua phagedænica, admoti fuere penicilli, & lintea eadem aqua imbuta, veluti & scroto prætumido: diè sequenti gangrænam in scroto serpentem deprehendimus; apertum fuit scrotum, & membranz testiculos, sed præsertim sinistrum inuoluentes; liuidæ & *γέλασται* patientes repertæ sunt; è scroto

effluebat pus in vlcus subiectum, fœtor insignis, lipothymia frequentes, & alui fluxus aderant. Ex spiritu vini lotiones fuerunt factæ, carnes putridæ resectæ, cumque ad deterfionem cuncta viderentur tendere, fluctuatio materiæ cuiusdam in hypogastrio circa vesicæ regionem delitescētis digitis fuit deprehensa: apertio facta est non sine præuia deliberatione, nec ultra tegumenta quinque externa sectio penetravit, quæ pus exiit fœtidum pariter, partesque adjacentes huius labis & corruptelæ non expertes compertæ sunt: loriōne ex spiritu vini, & iniectionibus, ex aloë rad. aristoloch. fol. absinth. centaur. min. agrim. decoct. cum melle rosat. putredo inhibita fuit; cumque pus liberum non haberet effluxum traducta est acus, sub illis tegumentis lina ducens vsque ad locum decliuem; deterfis vlceribus omnibus balsamum Arcæi fuit adhibitum; quæ tandem carne repleta sunt & ad cicatricem foeliciter perducta. Toto morbi decursu purgatus fuit multoties æger blandis medicamentis, vt rheo, catholico, syrup. de chicor. composito, præuia initio morbi sanguinis missione ad humorum impetum arcendum; potiones cardiacæ ex confectionibus alkermes, de hyacintho, aquis stillatis scabios. Chicor. paratæ, exhibitæ fuerunt; tantillum vini ad virium refocillationem, quarum exolutionem & defectum, sæpius in die experiebatur, degustauit. Horum auxiliorum. Deique summo beneficio hic tandem plane conualuit; nisi quod scabie per totum corpus erumpente infestetur.

Venam

*Veram & accuratam descriptionem
εγχαρμένης anatomicae in humano ca-
dauere peractae, in quo partes omnes
internae abdominis atq; thoracis tran-
spositae erant, continet.*

OBSERVATIO XVII.

EThi huius historiae anatomicae facta fuerit
mentio à Dom. Mentello in epistola libro Io.
Pecqueti adjuncta, atque inter opuscula varia &
noua anatomica D. Riolani, paucis exposita, illa
reperiatur; eam tamen integram, absolutam, &
pro rei veritate descriptam hîc subtexere libuit,
qualis à Dom. ANTONIO BERTRAND Chirurgo &
anatomico peritissimo, qui sectionem huius ca-
daveris propriis manibus administrauit, exacte
fideliterque conscripta, nobisque communicata
fuit.

Cadauer erat ficarij cuiusdam dicti Richardi
FRANCOEUR, qui cum nobilem virum in rheda
illustrissimi Principis de BEAUFORT sedentem
noctu sclopeto interfecisset, supplicio rotæ addi-
ctus fuit, anno Dñi 1650. vt notauit Riolanus.
Administratio anatomica facta fuit apud Dom.
REGNIER scholæ Medicæ Parisiensis Doctorem,
qui dissectioni in gratiam Chirurgiæ candidatorum
factæ præerat.

Narrationis huius series iuxta partium disse-

ctioni subjectarum situm, proutque in ipsa sectione oculis se se produnt, instituetur.

Primò in venæ vmbilicalis situ, progressu, & insertione immutatio animaduersa est: hæc enim quæ consueto & à natura instituto ordine versus hypochondrium dextrum tendit, atque in scissuram hepatis dextro illo hypochondrio contenti, inseritur; aliter hic se se habebat: si quidem hæc vena ex hypochondrio sinistro orta in vmbilicum desinebat, quo viso obstupuit protinus prædictus Chirurgus & anatomicus, qui nunquam talem venæ distributionem inspexerat; licet multoties hepar vsque ad lienem protensum deprehendisset, atque etiam obseruasset aliquando hæc duo viscera sibi inuicem adhærentia, & ligamento membranoso inter se connexa, tantamque hepatis magnitudinem vt hypochondrium vtrumque occuparet.

Diuiso peritonæo majori admiratione captus fuit, dum venæ vmbilicalis progressum inspectando, hepar sub hypochondrio sinistro profusum reconditum, lienis & fundi ventriculi locum occupans animaduertit, cuius pars gibba nothas costas sinistri lateris respiciebat, parsque hepatis quæ secundum naturam versus sinistrum latus protuberat, in hoc versus dextrum protendebatur; proinde venæ cauæ truncus ascendens & descendens in partibus sinistris collocatus erat, parte nempe laterali & sinistra vertebrarum dorfi & lumborum superstratus, qui pro solito naturæ instituto super prædictarum vertebrarum parte interna, eaque dextra & laterali iacent, ex quo factum est necessario vt situs partium omnium internarum, tam in abdomine quam in thorace

contentarum, immutari atque inuerti debuerit, vt deinceps patebit; cumque hepar sit veluti basis & fundamentum quo ceteræ partes superstructæ videntur, eius sedem, dispositionem, & collocationem necessario sequi coguntur, illo namque transposito fieri non potest quin & ceteræ partes internæ transponantur, si modo legitimus ordo in totius corporis æconomia seruari debeat; alioquin partium confusio, functionum læsio & inter turbatio accederent.

Vlterius progrediendo ventriculum in dextris partibus situm inuenit, cuius orificium superius super dextro latere vertebrarum metaphreni collocatum erat, quod insolitum est: nam secundum naturam ad diaphragma accedens, sinistrorsum vergit, eiusque fundus dextrorsum inclinatur. In hoc cadauere orificium ventriculi inferius, siue pylorus in latus sinistrum reclinabat, qui solet in partem dextram tendere; propterea lienis, intestini duodeni situm inuersum fore tunc ipsi verisimile visum est; vt postea illud ipsum verissimum comperit.

Fundo ventriculi in oppositam partem reclinato, lienem in hypochondrio dextro collocatum adinuenit, cuius pars gibba nothas costas, sima vero ventriculum pro vt solet respiciebat, cui per vas breue quod trifidum erat, membranasque ordinarias alligabatur: ex quo lienis positu oritur etiam in venæ splenicæ, proindeque totius venæ portæ situ & distributione immutatio atque inuersio: vena enim portæ, quæ naturali situm in parte dextra obtinet, in sinistra parte erat constituta; & splenica quæ è sinistris esse debebat, erat è dextris partibus.

Ventriculi situs immutatum sequitur identidem situs intestinorum mutatio : cum enim pylorus vt jam dictum est ad sinistram partem esset propensus, intestinorum principium è partibus sinistris ducebatur, duodenumque in sinistra parte erat collocatum, neque vt solet constitutum: cum enim secundum naturam sub pancreate ducatur, sitque, vt conuenientem dispositionem, situmque obtineat, obliquum, & in medio reflexum vt quod semel egressum est è ventriculo, in illum regredi & refluere non possit : hîc contra sese habebat, supra enim pancreas quasi rectâ ferebatur, intestinumque ieiunum, cuius initium esse solet in parte sinistra, hîc in parte dextra erat locatum; sicque intestinorum omnium situs erat inuersus : quæ enim ad dextram partem pertinebant, sinistro loco continebantur; veluti cæcum quod in sinistra parte erat cum appendice sua, vna cum initio coli, cui in dextra secundû naturam sedes conuenit, & in dextram terminatur: rectum pariter è sinistro latere initium ducere solet : è contra in hoc cadauere colon intestinum in dextrum latus desinebat, rectum vero ab eo latere exordium sumebat; proindeque mesocolon in dextra parte situm erat, cui pars sinistra dicata est secundum naturam. Sic vena hæmorrhoidalis quæ è splenica vt plurimum, interdumque è mesenterica sinistrorsum oritur, & per coli intestini, & recti longitudinem fertur, & ad extremum recti intestini deducitur; in hoc cadauere è splenica dextrorsum exoriebatur, quo loco lien situs erat, dextrorsumque per longitudinem coli & recti extendebatur.

Vtque vena caua descendens sinistram versus

vertebris lumborum incumbibat, quæ in parte dextra reperiri debebat; sic aortæ truncus descendens dextram sedem occupabat, quæ cavæ descendenti trunco naturæ lege debetur; inde factum est ut cæteræ venæ transpositæ fuerint, quod potissimum in vena spermatica dextra cernebatur, quæ ab emulgente dextra emergebat, & spermatica sinistra quæ è trunco venæ cavæ sinistrorsum exiliebat, perturbato scilicet naturæ ordine; spermatica si quidem dextra ut plurimum è venæ cavæ trunco oritur, sinistra vero ex emulgente: dixi ut plurimum quia situ contrario dispositæ interdum reperiuntur. Renum pariter situs erat inuersus: ren enim sinister digiti latitudine sinistro depressior erat, iecore nempe in dextro hypochondrio collocato ipsum deprimente: ren vero dexter erat elatior, liene minorem locum in dextro hypochondrio occupante.

sinistra

Insuper canalis quidam conspicuus inuentus fuit in abdomine, è cauis jecoris emergens iuxta venæ portæ exortum, per medium pancreas transiens, & in intestinum duodenum inter duas tunicas desinens, prope meatuum cholidocorum insertionem: is erat substantia neruosa, figura rotunda, pennæ gallinacæ magnitudinem referens, in cuius cavitatem rubulus introductus fuit, qui hepar ingrediebatur, & inter duas tunicas duodeni perducebatur, hicque canalis plures ramulos in pancreas diffundebar.

Ita dispositis partibus naturalibus in abdomine contentis, fieri non poterat quin partes thoracicæ eundem situm obtinerent, & ad illarum modum flecterentur: iecore enim sinistrum hypochondrium replente, venæ cavæ truncum ascenden-

tem & descendente[m] ad sinistru[m] latus exporrec-
tum, aortamque in dextro repositam esse, adeo-
que pulmonum cordisque naturalem situm mu-
tari necesse erat.

Quod conjectura assequebatur, id *avro. hic*
verissimum comperit Anatomicus: tres enim pul-
monum lobi ad dextrum latus pertinentes, sini-
stro latere, duo vero dextro continebantur. Cor-
dis conus qui ad sinistru[m] latus paulo inflectitur,
basisque quæ ad dextrum paululum vergit, con-
trario modo hic se habebant: pericardij enim &
cordis mucro latus dextrum, eius vero basis latus
sinistru[m] respiciebat; sicque quatuor vasorum
cordis ordo etiam immutatus fuit, ut & ventri-
culorum cordis situs inuersus: qui enim dexter
vulgo habetur, in hoc cadauere sinister erat; qui
vero sinister, dexter habebatur: sic aorta in dex-
tro latere erat posita, ostiumque venæ cavæ quod
in cor dehiscit, in sinistro adspectabile erat cum
auricula cordis maiore: arteria vero venosa, vena-
que arteriosa cum minore cordis auricula in dex-
tro conspiciebantur, Vena sine pari partem sini-
stram internamque vertebrarum metaphreni per-
reptabat, ortumque suum ducebat ab initio sub-
clauiorum ramorum, octo ramulos emittendo,
qui tam ad dexteram quam ad sinistras partes dedu-
cebantur.

His ita constitutis sequebatur necessario ner-
uorum recurrentium situm quoque immutatum
esse: solet enim nervus recurrens sinister reflecti
circa descendente[m] aortæ incurvationem; dextri
vero reflexio circa subclaviam dextram veluti
circa trochleam perficitur: & sane contrarium
positum in hoc cadauere nervi recurrentes obti-

nebant; aortâ enim in dextra parte locatâ, nervus recurrens circa eius incurvationem reflectebatur, in sinistra vero circa subclaviam reducebatur.

Venarum lactearum in glandulosa mesenterij corpora, & receptacula deductarum à Galeno facta delineatio atque descriptio, una cum lactearum thoracicarum in equo à Bartholomæo Eustachio facta demonstratione.

OBSERVATIO XVIII.

LAudantur & celebrantur sæculi nostri ingenia quorum acie & perspicacia multa abscondita ad rem anatomicam, & praxim medicam spectantia, sedulitate, diligentia, & laboribus incredilibus è tenebris eruta omniumque oculis exposita sunt; inter quæ præcipuum obtinebit locum venarum lactearum & in fundo mesenterij chyli receptaculorum detectio, & inuestigatio, una cum ductuum chyliiferorum ad thoracem ascendentium in venas subclavias insertionem, quibus chylus ad cor deducitur, ibique in sanguinem conuertri contendunt neoterici anatomici: & licet de horum vasorum usu non una eademque sit omnium sententia, cum plurima adhuc in corporum anatome sensus nostros effugiant; restamen

extra omnem controuersiam videtur iam posita, cuius quidem indagatoribus Gaspari nim. Asellio venarum lactearum inuentori, & Io. Pecqueto vniuersitatis nostræ Monspeliensi Doctore Medico clarissimo, receptaculorum chyli in fundo mēfenterij collocatorum, & venarum lactearum in thorace repertori, laus æterna debetur, Nec dubitavi quin ex assidua cadauerum sectione, & repertorum meditatione imposterum veram sanguificationis officinam, de qua tantopere disceptabatur, partium naturalium & vitalium actionem, humorum motus & legitimos vsus dignoscere possimus. Interim miratus sum (admonitus prius à nobilissimo viro D. Mentel scholæ Parisiensis Doctore Medico doctissimo, qui hanc observationem mihi communicauit & authorum loca indicauit) dum legi tum apud Galenum, tum apud Bartholomæum Eustachium, delineationem quandam & descriptionem, licet rudem & imperfectam, venarum harum lactearum, & chyli receptaculorum, atque etiam ductuum chyliferorum ascendentium; nec propterea de laude & existimatione clarissimo Pecqueto debitis quidquam detrahendum censui; at solummodo existimaui omnium bonorum fructuumque quos in amplissimo Medicinæ campo excolere & colligere possumus, seminaria hauriri posse ex artis nostræ antiquis principibus, Hippocrate præsertim & Galeno. Et quemadmodum planta è terræ gremio folia sua tenella proferens, non tam claram facilemque sui cognitionem exhibet, quam ubi perfectum sui incrementum fuerit assequuta; ita apud antiquos illos authores, quibus Medicinæ primordia & fundamenta constituta fuerunt, non

clare & dilucide anatomicæ illæ obseruationes exponuntur, sed ambagibus quibusdam inuolutæ conspiciuntur; adeo vt primo intuitu vera illarum facies non facile dignoscatur; sed assiduum contemplatorem & inspectorem exigant. Horum igitur penetralia adeamus, & quæ huc vsque fuere abstrusa recludamus.

Primus locus est Galeni libro 4. de vsu part. sub finē quem locum iam notauerat D. Mentelius in epistola ad D. Pecquetum. Hæc sunt Galeni verba
 πρῶτον μὲν γὰρ παρὰ τῷ μεσεντερίῳ φλέβας ἐποίησεν ἰδίας, αἰακὰς μὲν αὐτῇ τῇ θρεψεί τῇ σιτέρῳ, μὴ θρεψαμένης εἰς τὸ ἥπαρ. ὡς γὰρ καὶ Ἡρόφιλος ἔλεγεν, εἰς ἀδενώδη πῖνα σώματα τελευτῶσιν αὐταὶ αἱ φλέβες, τῇ ἄλλων ἀπασῶν ὅτι τὰς πύλας ἀναφερομένων. i. e. primum namq; toti mesenterio venas effecit proprias (scil. natura) ipsorum intestinorum nutritioni dicatas, haud quaquam ad hepar trajicientes: verum vt & herophilus dicebat in glandulosa quædam corpora desinunt hæ venæ; cum cæteræ omnes sursum ad portas referantur.

Alter locus est initio lib. de dissectione venarum, cuius hæc sunt verba εἰσὶ δὲ καὶ ἄλλαι φλέβες ἐν τῷ τῇ μικρῶν σιτέρων μεσεντερίῳ τῷ μέσῳ, θρεψαῖν τε εἰς ἀδένει πῖνα ἐνταυθοὶ καὶ μὲν. τὴ δὲ μεγάλης φλέβος τὴ ὅτι πύλας, ἥς ἀποβλαστηματὰ εἰσιν αἱ θρεψαμένηαι πᾶσαι, καὶ ἄλλαι πινὲς ἀποφύονται, ποσαῖται δὲ ἀριθμὸν ὅσοι αὐτῶσιν οἱ λοβοὶ τοῦ ἥπατος, εἰς ἕκατον γὰρ αὐτῇ χατασχίζεται μία

i. e. sunt autem & aliæ venæ in tenuiorum intestinorum medio meienterio, quæ ad glandulas quasdam ea regione positas terminantur, quin etiam ab eadem magna vena quæ ad portas est iecoris, cuius soboles sunt omnes prædictæ, aliæ quoque quædam producuntur iecinoris fibris numero pares, in singulas enim singulæ diuiduntur. Quibus postremis verbis venas lymphaticas designari ait D. Mentelius, Bartholomæus vero Eustachius in opusculis anatomicis cum de vena sine pari agit, confuso quodam modo ductum thoracicum album & lacteum in equorum cadaueribus animaduertit, cuius progressum & distributionem è partibus superioribus ad inferiores persequitur, huius vero insertionem & terminationem se ignorare fatetur. Hæc sunt eius verba quæ leguntur tractatu de vena azygo pag. 301. Quandoque vena sine pari è regione sextæ thoracis vertebræ raram ad sinistram partem mittit, qui sursum elatus ad quintam eiusdem cum alio à trunco sinistro iuguli orto coniungitur; indeque vsque ad tertium interuallum alimentum præbens conscendit, ad hanc naturæ prouidentiam quandam equorum venam alias pertinere credidi, quæ cum artificij & admirationis plena sit; nec delectatione ac fructu careat, quamuis minimè sit ad thoracem alendum instituta, operæ pretium est vt exponatur. Itaque in illis animantibus ab hoc ipso insigni trunco iuguli, qua posterior sedes radicis venæ internæ iugularis spectat; magna quædam propago germinat, quæ præterquam quod in eius origine ostiolum semicirculare habet, est etiam alba & aquei humoris plena, nec longè ab ortu in

duas partes scinditur, paulo post rursus coeunt
in vnam, quæ multos ramos diffundens iuxta si-
nistrum vertebrarum latus, penetrato septo trans-
uerso, deorsum ad medium usque lumborum fer-
tur: quo loco latior effecta, magnamque arte-
riam circumplexa, obscurissimum finem mihi-
que adhuc non bene perceptum obtinet.

SCHOLIUM.

EX Galeni verbis lib. 4. de vs. part. duo colligi
possunt; primo quasdam dari venas quæ ad
hepar non producuntur, nec tendunt: Secundo
intestina lacteo succo nutriri. Mirum in modum
se torquent Galeni interpretes dum verum horum
verborum sensum inquirunt, nec tamen illum
plane assequuntur. Vesalius lib. 5. anat. cap. 6.
Sic ait neque satis assequor quid Galenus sibi ve-
lit, quando intestinis ipsique adeo mesenterio
venas offerri testatur in iecur non terminatas, aut
(vt alij vertunt) ad iecur non trajicientes; nisi
forte aliquas venæ cauæ propagines in intestina
disseminari iudicauerit: quanquam & illæ in ie-
cur tandem vel ipsius sententia terminarentur,
etiam si forsan cremorem ex intestinis jecori non
offerrent: at potius intestinis mesenterioque enu-
trientis priuatim conducerent. Venas enim la-
cteas à mesentericis distinctas ignorauit ille, ad-
mittens venæ portæ propagines in intestina infer-
ras ad mutuam chyli in iecur trajiciendi & san-
guinis adnutrienda intestina deducendi mutuam
transsumptionem; adeo vt præter commemora-
tas venas nullæ aliæ in intestina & mesenterium
pertinentes ipsi fuisse obuias asserat; licet hic vi-

deatur glandulam magnam mesenterij designasse, quam non chylo excipiendo; sed vasorum diuisionibus fulciendis destinatam esse agnoscit. Caspar Hofmannus lib. 2. variar. lect. cap. 19. textum hunc corruptum esse asserit, non intelligens quomodo natura ad nutritionem mesenterij, intestinorumque, fecerit venas quasdam peculiare, & quomodo dentur venę quę ad hepar non perueniant; quando quidem hepar omnium venarum fons est & origo: tot sunt absurda inquit in vna hac oratione quę commisisse Gal. in tantillo tractu credat Iudæus apella, non ego. Damnatq; ibid. vesalium qui dum hunc locum adducit lib. iam citat. Galenum deduxisse has peculiare venas à vena caua asserit, quomodo, inquit, a vena caua cū expresse dicat *μὴ ἀπαρτίζου ἐς τὸ ἥπαρ*. Item com. in hunc locum sic ait. Vidit forte herophilus (ex huius .n. sententia loquitur Gal.) tale quid quale fallopius in suis obseruationibus cum ait aliquando ramos ex portę trunco sursum ire ad diaphragma, atq; inde iterū descendere ad pancreas: at quia Herophilus ad hepar desinere non viderat, quod vidit fallopius, credidit id Galenus, & in omnibus ita esse asseruit. Nec minoribus ambagibus inuoluuntur & ducuntur neoterici anatomici, quorū multi asserunt venas lacteas ad hepar nullo modo pertingere, nec vllam illarum propaginem illuc deductam deprehendi potuisse: alij vero quatuor canales lacteos ad hepar extensos, & præterea alios in pancreas & venam cauam obseruauerunt. Hanc controuersiam anatomicam ratio ex partium æconomia de prompta decernere potest: nec credendum est omnes vias per quas humores feruntur, ab anatomicis deprehēdi potuisse.

Si venarum emulgentium (inquit Bartholomæus Eustachius de rerum administratione agens p. 132. opuscul. anat.) cum ramis illius quæ azygos dicitur, coniunctionem nouisset Galenus, pariterque propaginem interdum venæ portæ vniri cum venis septi obseruasset, veram etiam viam cognouisset, qua pulmo & thorax expurgari per renes & intestina possint. Sufficit si communionis venæ portæ cum caua extra hepar, vt de illa non amplius ambigamus, notitia quædam habeatur, sufficit ductus quosdam chylicos ad hepar pertingentes notauisse, vt de traductione chyli ad illud non amplius dubitemus, pluresque alios dari canaliculos non adhuc deprehensos per quos ille feratur, conjiciamus. Nonne Thomas Bartholinus cap. 15. tractatu de venis lacteis thoracicis admittit venas lacteas hepar ingredientes, & in orbe pisce harum venarum in hepatis tertium lobum minorem in sertionem ostendit, quem lacteus candidusque ramus satis magnus ingrediebatur, ex glandula haud procul locata, lacteoque humore turgida; ad quam pleræque lacteæ ex mesenterio, & appendicibus ventriculi commeabant; licet ipse deinceps palinodiam cecinerit cap. 3. historię nouæ anat. vasorum lymphaticorum, & cum sententia earum venarum nomen mutauerit, dixeritque esse vasa aquosa seu Lymphatica nihil nisi limpida aquam continentia, & certe non video quomodo canalis ille insignis lacteus in orbe pisce repertus dicatur Lymphaticus, cum aquam limpida non contineret, vt & alij ductus ad hepar tendentes qui lymphatici visi sunt, eò quod chyli aquosioris & tenuioris partem deferrent, & forsan

quod pars chylofa & nutritia attracta fuerit ab hepate, secreta & relictâ aquosiori ad nutritionem inutili, eaque in istis venulis redundante.

Nathanaël Higmorus lib. 1. part. 2. disquisition. anatom. corporis humani pag. 40. Sic de venis lacteis loquitur. Asellius duos tantum vidit ramos, ego plures perlustraui quia pancreatē ad hepar per portæ latera excurrunt, eosque post mortem etiam facilè monstrare possum, & pag. 39. Sic earum diuarcationem & progressum describit ab intestinis per mesenterium obliquo ductu inter duas eius tunicas, partim seorsim à vasis reliquis, partim vna cum illis modo rectò ductu, modo eadem transcendentibus & veluti decussantes per plures glandulas in pancreas usque perforantur; in pancreas varie cancellorum in modum vel capreolorum implexæ, sibi mutuo confusæ in plurimos eosque in extricabiles gyros anfractusque hac illac intorquentur. Ab eo rursus maioribus paulo furculis per portæ latera vndiquaque, quam quibusdam in locis annuli instar cingunt, in jecoris cauam subeunt: inde illatæ in hepatis parenchyma ibi quaquaversum disseminantur dum prorsus obliterentur. Atque eiusmodi venas lacteas antiquis non prorsus fuisse ignotas idem ostendit pag. 38. & Galeni atque falloppij testimonia profert. Galeni verba hæc sunt lib. an sanguis in arteriis contineatur. Si ventrem imum & interiorem membranam diuiderimus, arterias in mesenterio conspiciemus, in hoëdis nuper natis lacte refertas; in adultis autem animalibus, alterius cuiusdam rei plenas. Arterias inquit Higmorus forsan à gracilitate, quas in nuper natis à lacte quod exuxerant, impleri censuit, miror vero

dum falloppium in hanc sententiam trahit inuitum eius verba aliquatenus immutando: ita enim illa falloppij verba transcribit, ex obseruat. 3. de venis pag. 597. prioris edit. In sima hepatis parte sunt meatus quidam minimi, qui desinunt & terminantur in pancreas, & in glandulas ibi proximas, qui minimi meatus succum quendam oleaginosum, album, & ad aliquam amaritudinem tendentem, deferunt: notandum est legi apud falloppium succum quendam oleaginosum flauum, *non album*. Ita vt & colore & sapore hic succus bilis naturam redolet, non vero chyli qui albus, dulcis, & suauis existit.

Dantur equidem canales lactei qui recta ad hepár non tendunt vt sunt illi qui in mesenterij glandulam magnam, & receptacula chyli feruntur, & duo illi Pecquetiani ad thoracem ascendentes, adeo vt mirum videatur illud à multis sæculis notauisse, Herophilum & cum illo Galenum: sed propterea minimè credendum est nullam chyli partem ad hepár deriuari, vel totum ad cor transferri per ductus duos exiguos ad pennæ anserinæ magnitudinem vix accedentes: quomodo in gulosis & helluonibus hi ductus ad vehendum chylum sufficient, succorumque multitudine & crassitie non obstruentur, cum venis lacteis & mesaraicis copiosioribus id vitium sæpius contingat, & nimium repleti disrumpantur, cum sint ipsi molles & ruptioni paratissimi vt ipsimet qui totum chylum ad cor deferri contendunt ingenue fatentur & quænam proportio erit (quæ inter omnes corporis nostri partes reperiri solet) inter duos illos ductus qui chyli sunt aluearia, & aortam venamque cauam sanguinis è chylo confecti

promptuaria : nonne ampliores esse deberent illi canales si soli chylum veherent; cum chylus ex cibis ingestis quotidie productus sanguinem de nouo generatum quantitate superet, & coctione semper materia quælibet & paucior, & tenuior propter partium heterogenearum secretionem reddatur, est inquit Gal. 3. de fac. nat. omnium quæ in corpore sunt leuissimum tenuissimumque spiritus, secundo loco halitus, tertio gradu qui plane absolutus attenuatusque est sanguis. Nec dicendum est maius spacium occupare sanguinem attenuatum & rarefactum citum enim & liberum per venas & arterias habet cõmeatum atque transfluxum adeo vt patentioribus viis non indigeat quibus contineatur; veluti spirituum animalium inductione patet qui per vltiorem elaborationem in cerebro attenuati, alueos per quos celerrime transfunduntur non amplificant. Nec etiam dicendum est chylum continuo per venas thoracicas ascendere & successiue cordis ventriculum dextrum subire, adeo vt meatus exilitas, chyli fluxus continuitate compensetur; alioquin si per amplum meatum in cor delaberetur ne ipsum obrueret & suffocaret periculum esset: falsum enim est continuo motu transire chylum per venas thoracicas: siquidem non tam cito euanescerent post chyli distributionem imo continuo albicantes et chylo turgidæ conspici possent; cuius contrarium experientia testatur; quod si non sit chyli per venas thoracicas continuus & perennis transitus, totus per illas haud quidem traduci poterit; cum eius ad cor integra delatio per canallem exiguum tam breui temporis spacio perfici non possit.

Quod

Quod si nihilominus toti chylo ad cor non denegetur aditus, quomodo stare poterit altera eorundem sententia, sanguinem scilicet ad cor redire, ut de nouo excoquatur, vltioremque perfectionem obtineat; cum potius ibidem chylo non adhuc defæcato & à recrementis purgato admixtus sanguis deteriore sortem nancisceretur: quod pharmacopœorum exemplo illustrari poterit, qui Sacchari vel Syrupi decocturam succi vel liquoris cuiusdam affusione sæpe immuniunt: quibus adde si ex chylo in corde sanguis conficeretur, & nonnisi in hepate, liene & renibus defæcandus & repurgandus esset, sequeretur crassiorem, fæculentiorem, impuriorem & crudior in corde & arteriis contineri quam in venis, quod falsum est & absurdum.

Si quæras cui officio, & quibus vsibus dicatur sint venæ lactæ & canales lactei thoracici. Audi Galenum hoc loco docentem nutriendis intestinis illas venas esse comparatas (quod de illis tantum venis intelligendum videtur quæ ad hepar non pertingunt) chylumque horum esse alimentum. Sic lib. 3. de fac. nat. ventriculum eo succo verè nutriri statuit, aitque nihil esse in rerum natura, quod propter ipsum trahere trahat, sed ut tracto fruatur; atqui eo frui non licet nisi retineat, ut eius quod in qualitate conueniens consentiensque est partem aliquam capiat: itaque (inquit) quod in cibis optimum est, id halitus specie & paulatim sibi attrahit, atque in tunicis suis reponit; iisdemque adiungit; ubi abunde saturatus est quidquid reliquum est nutrimenti, veluti onerosum quid, rejicit. Deinde ait si cibis

conficiendis se applicaret ventriculus ut reliquis partibus alendis idoneos redderet, non esset organum naturale, sed animal quod ratione menteque præditum, quod melius est eligeret: atque ibidem totam alimenti œconomiam in tria tempora diuidit; primum tempus est dum in ventriculo manet cibus; secundum dum transit chylus per intestina & hepar; tertium dum ab hepate distribuitur reliquis partibus; atque in primo tempore quidem fieri tractionem & appositionem vult succi alibilis ex cibus in ventriculo, reliquas vero preparationes in aliis temporibus istius œconomiz, agglutinationem quidem in secundo tempore, assimilationem vero & perfectam nutritionem ex eodem succo in tertio; quod idem de intestinis & mesenterio per quæ transit chylus asserendum est, quod patet ex eius verbis. Hoc in tempore nutrimentum cum per tota intestina permeet, per vasa quæ ad ea pertinent rapitur, plurimum quidem in venas, exigua quædam portio in arterias: iam hoc tempore etiam intestinorum tunicis apponitur: & com. in aph. 18. sect. 2. ita scribit: In commentario de potentiis naturalibus ostendebatur ventriculum ante omnia cibus frui, familiarem sibi succum ex illis attrahere, & suis apponere tunicis; mox ubi esset saturatus, tunc ipsos emittere ad excretionem; propterea quotidie experimur assumpto cibo famem sedari, quia eo se se expleuit ventriculus, & quantum venæ ei detraxerant sibi reposuit, & quia præterea non amplius ab eo tanquam è terra sugunt vicinæ partes, quæ præsentiant alimentum ad quod se conuertunt, & à quo sibi familiarem suc-

cum alliciant vt docet Galen. lib. i. de Sympt. caus.

Quod si ad intestinorum & mesenterij (addimus nos & pancreatis) nutritium venas illas ad hepar non pertingentes destinatas esse voluerit Galenus; quidni etiã dicemus partibus quibusdam in thorace contentis alimentum proprium & familiare cuciere canales istos ascendentes chyliferos.

Conjicit Riolanus in responsione ad Carolum LE NOBLE, Medicum Rothomagensem, exiguum illam portionem chyli cordi illiqui ad reparandum illum adipem durum seuo simillimum cordi circumfusum, qui permixtus sanguini per venas coronarias spargitur in cordis superficiem; forsan etiam, inquit, ipsius cordis substantiam duram carneam nutrit quæ tale requirit alimentum; & antea in responsione ad experimenta noua anatomica scripserat istas venas duas lacteas ita conditas forsan vt sanguini violenter fluenti intra arterias, per circulationem in venis crassities addatur, partim etiam ad nutritionem diuersarum partium corporis, quæ diuerso gaudent alimento vt ossa & medulla, partim ad generationem & reparationem adipis per vniuersum corpus extensi, partim etiam ad fibrosæ materiæ productionem in sanguine, quæ remoram addit sanguini.

Franciscus Glissonius in anatomia hepatis pag. 443. existimat succum nutritium in mesenterij hisce glandulis separari, atque huius in nervos partem aliquam ad eorum nutritium transferri, tresque glandes lumbares nervis similiter inferuire credit: Thymus quoque huc videretur esse glandula nutritia: nam in embryonibus atque anima-

libus recens natis (quo tempore plurimum crescunt, & nutritu propterea vberiore indigent) magnitudine præ cæteris totius corporis glandibus spectabilis est; in senibus vero quibus alimento huiusmodi parum opus est perexigua deprehenditur, & vix conspicabilis: deinde glans hæc est candida, mollis, suavis admodum, mitisque saporis, & substantia mammarum glandibus similis, ac propterea quemadmodum istæ lac infantulo foris præparant, sic illa liquorem nutritium intus suppeditauerit, eumque forsitan è ductu lacteo thoracico exceperit, qui glandulæ huic appropinquans, priusquam in venas exinanitur, in duas plerumque propagines dirimitur.

Sed quid dicemus de chylo in dextro cordis ventriculo reperto, quo presso in venam cauam refluens aliquando apparuit. An in corde excoquendum illum, & in sanguinem permutandum, illud plane euincit? Sed nonne ad hanc elaborationem quiete potius atque mora, quam motu & momentanea traiectione opus esset, quo modo coctiones reliquæ fœlicius peraguntur? an potius succus hic albus, tenuis, liquidus, dulcis in pulmones per venam arteriosam vna cum sanguine è dextro cordis sinu deferendus videtur? nonne aptius nutrimentum esset & familiarius ipsis pulmonibus ille succus sanguini permixtus, quam biliosus sanguis qui vulgo eorum alimentum statuitur, cuius quidem ne degustatus pulmo notam ullam exhibet; imo dulcis qualis est lacteus succus comperitur. Deinde albicans pulmonis substantia nonne illud idem indicat; iisdem enim quibus constat pars quælibet nutrirî solet, inde fit vt in

fœtu qui ore alimentum non exigit, sed sanguine solo materno per venam vmbilicalem delato nutritur, pulmones, vt & cæteræ partes, rubri conspiciantur, qui color deinde in lactantibus pueris ad albedinem vergit. Tandem nonne satius videtur prouidam naturam nutriendo pulmoni dulcem, temperatum & lacteum succum suppeditasse, quam acrem, salsum, & calidissimum; cum per eius continuū motum, & cordis æstuantis viciniam ad calorem concipiendum satis superque promptus, paratusque sit? nonne lac quotidie alimentum & medicamentum affectis pulmonibus conuenientissimum & veluti à natura institutum experimur, cui affinis est chylus? nonne tenuis illa pituita quæ tussi solet rejici, liquidius illius succi crudior & aquosior portio est, quam natura secernit & expellit, & forsan sanguinis è pulmone rejecti color non ita saturatus & ater; sed floridus apparet ob admixtionem candidæ illius substantiæ.

Probabile est insuper huius ductus chyli ferri quasdam propagines ad mammarum glandulosa corpora deferri, vel venis ad ipsa tendentibus occurrere, quibus chylosa materia & tenuis sanguini admixta & generando lacti idonea suppeditatur; inde fit forsan quod multæ mulieres fœtus suos lactantes in pulmonum vitia & tabem tam facile & frequenter incurrant, subtracta nempe pulmonum alibili materia; hinc lacti vis purgans medicamenti, paucis horis ab illo assumpto, communicatur, delata scilicet eius portione per tubulos lacteos ad mammas; quod non tam breui temporis spacio fieri posset si tot flexuosos hepatis

& venæ cauæ meatus substantia virtusque medicamenti subirent. Hanc de lactis generatione sententiam sequutus est Guiffartus Medicus Rothomagensis, eamque amplexus est Thomas Bartholinus, multisque rationibus probauit cap. 18. Histor. anat. de lacteis thoracicis. Atque ante ipsos Prosper Martianus & Vesslingius hanc lactis generationem diuersa tamen quadam ratione proposuerant; communicatione nempe succi illius facta è ventriculo ad mammas per euaporationem.

Quæ nostra sententia de vsu lactearum venarum thoracicarum si quibusdam viris doctis non arrideat, ad probabilioris & certioris cuiusdam vsus inuestigationem erit incitamentum, & certè in re tam difficili & abstrusa certi quidquam pronuntiare non audeo, donec scrutinio anatomico multa quæ procul dubio latent adhuc, comperta sint: coniecturas tantum meas proposui in quas iurare neminem addictum volo. Possem alias insuper addere nisi res tanti esset momenti vt peculiarem tractatum exigeret, quem, si per otium ingeniique modulum liceat, aliquando aggrediar, atque vnà verum naturalemque sanguinis motum persequar.

Interim hic quædam addam de nobili illa valvula Rothomagi nouissime reperta in venæ cauæ trunco ascendenti, iuxta venæ coronariæ exortum sita, eo scilicet fine constructa ne sanguinis secundum venæ cauæ ductum elati, & chyli è superioribus partibus descendens fiat confusio, atque per vehementes humorum agitationes illius in venam cauam effusi fiat retrocessus ad hepar?

Nouum sane hoc inuentum cui tam nobilis vsus tribuitur, à multis celebrabitur: sed caueant prudentiores, ne res nouas auidius excipientes, incerta, aut saltem rara pro veris & ordinariis nobis obtrudant: sicut enim corporum structura non in omnibus eadem reperitur, & venarum in quolibet corpore variat sæpius distributio: ita & valvularum situs poterit esse diuersus, nec firma & perpetua eius valuulæ nobilis dictæ à D. Guiffar-
to in epistola gallice nuper edita, in prædicto loco statio erit. Et reuera iam constat in cadauerum sectione Lutetiæ administrata, licet exactè & diligenter hæc valuula fuerit conquisita, nullo modo hanc fuisse repertam.

Ecquid denique dicendum de cadauere Matthiæ Ortelij mercatoris Antuerpiensis sine hepate & liene inuento? cuius Historiam describit Caspar Bauhjnus in appendice tractatui de partu Cæsareo Fr. Rosseti adjecta pag. 238. Aliquot annis (inquit) antea hydrope laborauerat, qui morbus affectus hepatis vel primario vel secundario necessario comitatur, cumque sub septo transuerso hepar & lienem quæreremus, ne vestigium quidem illarum partium inuenimus: casus profecto inauditus & admirabilis: at substantia omnium intestinorum carnosa prorsus erat, & multo solidior quam ipsa musculorum caro, vt soliditate cordis carni fere responderet, & vena caua ex ipsis intestinis suam originem sumebat, eo fere modo quo vena porta in ipsis intestinis solet implantari: Ex hac si quidem historia videtur colligi posse hepate vel liene non opus esse ad sanguinis elaborationem, nec illa viscera esse *αἷμα τὸν πνεύμα.*

At nonne idem de corde dici potest cum historiis quibusdam relatum sit aliquos sine corde post mortem repertos fuisse. Apud Plin. lib. 11. hist. c. 37. Cæsari dictatori, quo die primum veste purpurea processit, utque in sella aurea sedit, sacrificanti bis in extis cor defuit. Si fides Tilesio adhibeatur, visus est qui absque corde vixit. Et apud Schenkium observatione tertia de corde hæc leguntur. Ni mendum exemplarium est, hoc carens viscere (puta corde) compertum quandoque pronuntiat Auicenna: quod ex Cœl. Rhodigino lib. 4. cap. 16. desumpsit: nec locum habet quod profert Riolanus nimirum dum hoc viscus deesse videtur in cadauerum sectione, morbo fuisse consumptam illius substantiam, remanentibus tantum partibus membranosis, quod in tabe cordis contingit. Idem enim dum quærit cur cor comburi aliquando non potuerit, fatetur illud esse in corpore postremum quod comburitur; hancque rationem subiungit: quia cor cum sit pulmonibus obuolutum, capsula inclusum, aquæ immersum, & per adustionem totius corporis, sanguis ad cor veluti centrum repellatur, forsan tardius crematur. Cum ergo cor tantopere adustioni & consumptioni resistat, prius ceteræ partes, quam illud ipsum absumerentur & colliquarentur; præsertim cum eius substantia durior & solidior existat.

Cum autem talis conformatio & dispositio partium nutritiarum in cadauere Ortelij, forsan ab ipsa natura aberrante instituta fuerit, homo diu vivere non potuit (quemadmodum & ille polonus cuius cor solidum & absque ventriculis repertum est) cum *αἷμα ὑπὲρ τὸν* ipsi cordi &

reliquis partibus suppeditaretur : in intestinis enim solito densioribus, crassioribus, & carnosioribus, chylus sanguinis quædam rudimenta accipiebat, qui in venis deinde (quibus facultas αἷμα τοιοῦτον non denegatur) insuper excoquebatur, tandemq; in corde vltiori perfectionem assequebatur talē nim, qualem in corpore manco & imperfecto compleri posse, sperandum est; hinc factum ut ἀποτυχία τοῦ τῆς αἱματώσεως ἔργου successerit, deficiente scilicet primario & præcipuo sanguinis δημιουργῶ. proinde Aristoteles cordis & jecoris parem necessitatem animaduertit lib. 3. de gener. anim. cap. 7. his verbis καρδία μὲν οὐδ' καὶ ἡπαρ ἀπασιν ἀναγκαῖα τοῖς ζώοις· ἢ μὲν ἀλλ' τὴν θερμότητος ἀρχὴν. (δεῖ γὰρ εἶναι πινά οἷον ἐστὶν ἐν ἡ κείσεται τὴ φύσεως τὸ ζωπυροῦ καὶ τὸ εὐφύλακτον, ὡς περ ἀρόπολις ἔσται τὸ ζῶματος) τὸ δ' ἡπαρ τὴ πέψεως χάριν. τὰ δ' ἔναυμα δεῖται δύοιν τῶν τοῦ· διότι ἔχει πάντα τὰ ἔναυμα δύο ἀλάγχνα τὰ δὲ μόνον. i. e. Certè igitur cor & hepar omnibus animalibus necessaria sunt : alterum propter caloris originem (oportet enim adesse veluti quendam focum in quo naturæ fomes collocetur isque bene custoditus, ac si corporis arx. esset) alterum nim. iecur cibi concoquendi gratia adest, & certè sanguine prædita his duobus indigent, quamobrem cuncta animalia sanguinea hæc duo viscera habent, & lib. 4. de gener. anim. cap. 4. sic habet καρδία μὲν οὐδ' ἔστιν πῶποτε ἐγέ-

νετο ζῶον μὴ ἔχον, ἀλλ' αὖθις δ' ἔκ' ἔχον, καὶ
 δύο ἔχον, καὶ νεφρον ἑνα. ἥπαρ δ' ἔκ' ἔχον μὲν
 ἑδὲν, ἔκ' ὅλον δὲ ἔχον. i. e. nullum unquam
 animal cor non habens ortum est, quanquam lie-
 ne carens : & duplicem habens lienem & altero
 vacans rene visum est. Iecore etiam carens toto
 nullum notatum est : quanquam quod non torum
 haberet iam patuit, ut transtulit Gaza.

*Infans monstrosus absque pene & vesica,
 cum carne quadam fungosa hypoga-
 strio adnata, nuperrime Lutetiae na-
 tus.*

OBSERVATIO XIX.

Die 13. Iunij huiusce anni 1656. hora post me-
 ridiem secunda, vxor Iohannis SASSIN Sar-
 toris genuit infantem monstrosum, ad cuius in-
 spectionem statim accersitus fui, hoc viso ad pa-
 trem retuli hunc fœtum vitalem non fore, ipsum-
 que hortatus sum ut eo extincto cadaueris sectio-
 nem permitteret, quod lubens mihi concessit.
 Hic septem dies à partu gemebundus vixit, in-
 fortunatamq; septima die vitam cum morte com-
 mutauit.

Sectio igitur cadaueris me præsentē & insti-
 gante facta fuit à D. ROUSSEAU Chirurgo coram
 D. du PRAT Medico Regio. D. LYSSAN Pharma-
 copæo Regio multisque aliis.

Huius corporis partes omnes decenti structura

& conformatione donatæ fuissent, nisi naturæ insignis aberratio in partibus hypogastrii fuisset conspicua. Atque ut ab inferioribus partibus exordium ducam, scrotum parum ab ano distabat, ipsique erat fere contiguum: in hoc duo testiculi continebantur, in quos venæ spermaticæ pro more inferebantur. Supra scrotum apparebat carnea quædam substantia, cuticula, cute, & veluti membrana quadam carnosâ prædita, quæ speciem præ se ferre videbatur penis secundum longitudinem per medium secti, nullum urethræ huic inerat vestigium, radix istius particulæ dura erat, solida, & fere cartilaginea. In hanc radicem desinebant vasa eiulantia. Paulo supra hoc penis fragmentum fissura quædam semicircularis secundum latitudinem imi ventris apparebat, cuius scissuræ cornua, seu extrema paululum ascendeabant. In medio huius semicirculi posita erat fungosa & carnea quædam substantia ad ovi magnitudinem extra protuberans, initio ortus rubra, deinde liuida facta, quodammodo rotunda, eminentiis quibusdam rotundis, rubris, & per seriem dispositis insignita.

Ureteres non in vesicam, quæ nulla erat sed in scissuram illam terminabantur, atque utrimque per eorum orificia urina continuo & guttatim stillabat atque effluebat, ourachus ad membranam quandam sub illa carne fungosa positam perueniebat. Supra illam excrescentiam situs erat umbilicus ex quatuor vasis solitis compositus; sed in inferiori quam par erat, loco constitutus; trium enim digitorum latitudine solito depressior erat.

In hoc corpore (quod notatu dignissimum fuit)

vesica urinaria prorsus deerat, cuius loco moles illa carnea extra protuberans producta fuit.

Dum viuebat lacque è mammis sugebat infans, flaccescebat paulatim caro hæc fungosa, tandemque computruit, quæ putredo procul dubio mortem accelerauit. Hoc prætereundum non videtur quod obseruauimus, nempe aquam pericardij cochleari exceptam & igni superpositam in gluten euadere atque redigi.

Infans monstruosa cum duplici vesica urinaria, recto intestino, atq; utero extra locum naturalem suis.

OBSERVATIO XX.

AD me retulit prædictus D. ROUSSEAU se vocatum fuisse ad apertionem cadaueris cuiusdam infantis, quæ quindecim dies à partu vixerat, in cuius sectione multa extra naturæ ordinem constituta animaduertit: duæ enim vesicæ in hypogastrio è regione dispositæ continebantur, à se inuicem digiti fere latitudine diffusæ, in quarum vnamquamque vnus ex vteribus, è directo inferebatur. Vterus intestini locum occupabat. Rectum vero supra positum erat, & vesicæ locum obtinuerat, vmbilicus inferior erat quam secundum naturam deceat: atque adeò uterus, binæ vesicæ & intestinum rectum tam exiguo spacio continebantur, vt pecuniæ nostræ quæ vulgo dicitur, *un quart d'Escu*, amplitudinem non excederet.



P. BORELLVS, LECTORI
circa mobile perpetuum.

CVM superesset pagella vacua, bonum esse du-
ximus si tibi arcanum mobilis perpetui com-
municaremus. Sic autem fieri potest & iam fa-
ctum fuit. Perfora arcam subtrus, vt & lacunar
quod tamen non percipietur ob arcam clausam,
per illa autem foramina aër cum impetu ventoso
ingredietur & vias ad exitum quærēs, foramen in
arcæ operculo facies, cui impones sphæram vel
aliam quamlibet machinulam motu facilem vel
ei alulas ex tela vt in molendinis appone quas ar-
cæ includes, & sic omnes mirabuntur motum
tuum perpetuum causam ignorantes & sphæram
cum axe tantum videntes talis forsan fuit sphæra
illa vitrea archimedis adedò decantata.

FINIS.

*Non potuit Author febre correptus repurgandis præli
erroribus vacare quos benivolus Lector sis emendabit.*

IN Epist. ad Borellum, pag. 2. lin. 10. an. mundi 4753.
corr 3540. lin. 11. 439. lege 465. p. 12. l. 22. λιθον, lege
λίθων. lin. 13. ῥηίτερον, lege ῥηίτερον. p. 19. l. 10. κοιλίαν,
lege κοιλίῳ. p. 20. l. 27. afferunt, lege afferit. p. 22. l. 4. su-
peruexisse, lege superuexisse. p. 25. lin. 8. pro ἔκονα, lege
ἐκονα. p. 28. l. 23. δέκτικον, lege δέκτικόν. p. 31. l. 4. ante
vlt. ἄφωροι, leg. ἄφωροι. p. 32. l. 3. σπειδῆ, leg. σπειδῆ. ibid.
πνέση, leg. πνέση. l. 4. ἄφωρον, leg. ἄφωρον. l. 5. ἔειπν,

l. ὁ δὲ γ. lin. 6. οὐκ ἔστιν, l. σπειδῆ. l. 7. ἔσθ' ἢ πινός. l. ἔσθ' ἢ πινός.
 p. 38. l. 16. contulerit, l. contulit. lin. 20. οἰδῆσοντος,
 l. οἰδῆσαντος. p. 41. l. 2. Ἰσποκρατῆς, leg. Ἰσποκρατῆς.
 l. 4. ἢ leg. ἢ. lin. 5. ἐμύλων, leg. ἐμύλων. p. 52. l. 2.
 instinorum, leg. intestinorum. p. 53. l. 14. sinistro,
 leg. dextro. l. 19. carnalis, leg. canalis. p. 54. l. 5. ἀν-
 τοψία, leg. ἀντοψία. p. 57. l. ult. ἔχασον, lege ἔχασον.
 p. 59. l. 16. Sic ait neque, corr. sic ait : Neque.

Pratermissa.

Pag. 41. l. 23. post illa verba; ut ex Dureto discere
 possumus comm. in illam coacam, adde; Τὰ ἐν
 πέκου καὶ διαφορῆς πολλὰ ὁξέως ὀρμήσαντα, ἐπίσαντα,
 δύσκολα.

